

Pauli Cortesii,... De
Hominibus doctis
dialogus, nunc primum
in lucem editus...
Accedit auctoris vita
(auctore D. M. [...]

Source gallica.bnf.fr / Bibliothèque nationale de France

Cortese, Paolo. Pauli Cortesii,... De Hominibus doctis dialogus, nunc primum in lucem editus... Accedit auctoris vita (auctore D. M. Manni).... 1734.

1/ Les contenus accessibles sur le site Gallica sont pour la plupart des reproductions numériques d'oeuvres tombées dans le domaine public provenant des collections de la BnF. Leur réutilisation s'inscrit dans le cadre de la loi n°78-753 du 17 juillet 1978 :

*La réutilisation non commerciale de ces contenus est libre et gratuite dans le respect de la législation en vigueur et notamment du maintien de la mention de source.

*La réutilisation commerciale de ces contenus est payante et fait l'objet d'une licence. Est entendue par réutilisation commerciale la revente de contenus sous forme de produits élaborés ou de fourniture de service.

Cliquer [ici pour accéder aux tarifs et à la licence](#)

2/ Les contenus de Gallica sont la propriété de la BnF au sens de l'article L.2112-1 du code général de la propriété des personnes publiques.

3/ Quelques contenus sont soumis à un régime de réutilisation particulier. Il s'agit :

*des reproductions de documents protégés par un droit d'auteur appartenant à un tiers. Ces documents ne peuvent être réutilisés, sauf dans le cadre de la copie privée, sans l'autorisation préalable du titulaire des droits.

*des reproductions de documents conservés dans les bibliothèques ou autres institutions partenaires. Ceux-ci sont signalés par la mention Source gallica.Bnf.fr / Bibliothèque municipale de ... (ou autre partenaire). L'utilisateur est invité à s'informer auprès de ces bibliothèques de leurs conditions de réutilisation.

4/ Gallica constitue une base de données, dont la BnF est le producteur, protégée au sens des articles L341-1 et suivants du code de la propriété intellectuelle.

5/ Les présentes conditions d'utilisation des contenus de Gallica sont régies par la loi française. En cas de réutilisation prévue dans un autre pays, il appartient à chaque utilisateur de vérifier la conformité de son projet avec le droit de ce pays.

6/ L'utilisateur s'engage à respecter les présentes conditions d'utilisation ainsi que la législation en vigueur, notamment en matière de propriété intellectuelle. En cas de non respect de ces dispositions, il est notamment possible d'une amende prévue par la loi du 17 juillet 1978.

7/ Pour obtenir un document de Gallica en haute définition, contacter reutilisation@bnf.fr.

acc 9 M 2 Aug

4009

PAULI CORTESII
DE HOMINIBUS DOCTIS
DIALOGUS.

PAULI CORTESII

VIRI GLARISSIMI

DE HOMINIBUS DOCTIS

DIALOGUS

NUNC PRIMUM IN LUCEM EDITUS

CUM ADNOTATIONIBUS.

ACCREDIT AUCTORIS VITA.


AD ILLUSTRISS. DOM. MARCHIONEM ABBATEM

GABRIELEM

RICCARDIUM

PATRICIUM FLORENTINUM.

Ex libris d'Anesse de Villoisson.



FLORENTIÆ. MDCCXXXIV.

Apud BERNARDUM PAPERINUM, sub Signo Palladis, & Herculis.

CUM APPROBATIONE.

GABRIELI RICCARDIO
PATRICIO FLORENTINO
MARCHIONI.

BERNARDUS PAPERINIUS.



ABUIT superior ætas
Viros planè doctos,
omnibusque ingenuis artibus erudi-
tos, per quos potissimum renatae lit-
teræ,

D E D I C A T I O.

teræ, ac restitutæ fuerunt. Dialogum de iis scripserat Vir temporum suorum elegantissimus, idemque acerrimo judicio prædictus, Paullus Cortesius, & De Viris Doctis inscripserat. Hunc mibi Dialogum quum typis meis imprimendum liberaliter concessisset Alexander Politus V. Cl. qui eum sibi ex Sangeminianensibus membranis jam dudum describendum curaverat; tu mibi statim occurristi, GABRIEL RICCARDI, Vir amplissime, atque ornatissime, cuius Nomine idem hic Dialogus inscriberetur. Nam & doctus ipse es, quam qui est maximè, & doctos Viros amas, & de iis acerrimè judicas, & doctrinas omnes liberalissimè protegis, ac promoves.
Quumque Tibi Deus, ac FAMILIÆ

TUÆ

D E D I C A T I O .

TUÆ opes tantas , quantas alteri
cuiquam vel locupletissimorum pri-
vate conditionis , ac fortunæ homi-
num , tribuerit ; eas sanè non , ut
plerique faciunt , ad luxum , neque ad
voluptates , refers ; Sed , quod pau-
cissimorum est ,

. quos æquus amavit
Juppiter , atque ardens evexit
ad æthera virtus ;

maximas Tuas divitias in doctos ho-
mines ornandos , doctrinasque ipsas
amplificandas impendis . Neque in
summâ rerum omnium affluentia quid-
quam te magis afficit , atque oblectat ,
quam libri cuiuscumque generis , &
doctrinæ , quos pulcherrimum esse du-
cis , atque optimum amplissimi patri-

mo-

D E D I C A T I O.

*monii tui ornementum. Idque præci-
puè est, quod, præ generis nobilita-
te, divitiarumque gloriâ, in Te omnes
mirantur, studium erga litteras, at-
que homines litteratos. Quare est
omnino, GABRIEL amplissime, quòd
sperem, munusculum hoc meum Tibi
esse perplacitum, quod ad doctos ho-
mines pertinet. Qualecumque id est,
lubens Tibi ac meritò offero. Favor si
mibi Tuus præsens adsit, incumbere
in eam curam alacriter pergam, ut
pleraque alia doctorum Virorum mo-
numenta ad publicam studiosorum
hominum utilitatem edantur. Vale.*



P A U-



PAULI CORTESII

V I T A.



AULUS e nobili CORTESIO-
RUM Familia,¹ quæ inter
primarias Sancti Geminiani
Etruriæ Oppidi est habita,
antiquitus ex Ticino Insu-
briæ Urbe oriunda, Ro-
mæ² anno humanæ repara-
tionis MCCCCLXV. ortus est, patre Antonio
Cortesio, qui feminam patriciam N. Aldo-
brandiniam Florentinam in matrimonio ha-
buit,



¹ Jo: Vinc. Coppi in Chron. Gemin.
impress. Flor. 1695. Paulus ipse Mun-
icipes suos appellat Cherubinum Quarqua-
lium Geminianensem in Lib. 2. de Card.

ac Antonium Lollium pag. 53. hujus
Dialogi.

² Idem Copp. l. d.

ii PAULI CORTESII

buit, quique ¹ Duodecemvirum Compendiariorum, ac ² Scripturariæ Censuræ princeps fuit; Vir quidem honoris, fortunæ, & virtutis ornamenti præditus, ac ³ Libelli cuiusdam Institutionum Moralium Scriptor. Pauli fratres fuere ⁴ Alexander Latinis Musis clarus, cuius Carmina non semel formis ante excusa, novissime illustrium Poëtarum Italorum poëmatis inserta Florentiæ prodiere; & ⁵ Laetantius Eques, Paraphraseos in Cæfaris Commentaria author, ipsique Paulo superstes, qui inchoatam a fratre Operis de Cardinalatu editionem, eo vita functo, absolvit.

Hic a teneris, ut ajunt, unguiculis optimarum artium studiis addictus, acre ingenium ita excoluit adsiduis lucubrationibus, tantumque in omni genere litterarum profecit, ut non solum ⁶ Philippo Callimacho,

Pom-

¹ Cortes. de Card. in proœm. Vulgo *Protoscirinario* juxta Copp. sentent.

² Correttore delle Contraddette idem Copp.

³ Extat in Biblioth. Lecceti, de quo Cinellius in Scriptor.

⁴ (Ab aliquibus *T. Alexander*) A Diplomatibus Centumvir, idest *Segretario Apostolico*, ac *Libellionum Triumvir*, *Segretario de' Brevi* appellatur a Coppio, qui subdit eum *Nuncium Apostolicum*

fuisse, diemque suum an. 1494. ætatis 30. obiisse. Plura Voss. de Hist. Lat. l. 3. & Janus Douza a Voss. citat. Jo: Cinell. de Scriptor. Etruscis Alexandro, & Paolo Fratri unum idemque Opus ascribit deceptus ab elogio Jac. Gaddii, quod ambos fratres complectitur.

⁵ Magdalenam Mediceam uxorem duxit. Copp. in Chron.

⁶ Copp. l. d.

Pomponio Læto , Angeloque Politiano clarissimis Viris ob studiorum similitudinem necessitudine jūngeretur , verum etiam cum Raphaële Volaterrano , Pico Mirandulano , Hermolao Barbaro , Marsilio Ficino , ac Bartholomæo Lampridio , qui ejus doctrina , ac judicio utebantur , familiarissime viveret . Summam Principum gratiam , & benevolentiam virtutis , atque doctrinæ commendatione sibi comparavit ; id , quod de se significat :

¹ *Puer Romæ cum ab Alexandro fratre deducerer ad Principes , saepeque honoris causa in convictum adhiberer , &c.* Nam ² & purpuratis Patribus , ipsisque adeo Summis Pontificibus , præcipue vero Pio III. ac Julio II. cui Librum paullo ante memoratum de Cardinalatu dicari voluit , fuit acceptissimus . Quod Opus ad Viri Principis in unaquaque deinceps ætate studia dirigenda a se primò conscriptum , ³ Ascanio Cardinale Sfortia hortatore , non paucis immutatis de Cardinalatu postea nuncupavit . Hinc est quod Guillelmus

* 2

Ca-

¹ De Cardin. lib. 3. pag. 190.

² Ex Epist. Cosmæ Pacii Archiep. Flor. apud Copp.

³ Copp. in Chron. pag. 72. Vincent.

Placent. in Epist.

Caveus duplex opus de Principe , ac de Cardinalatu Paulo adscribit . Non me latet ¹ Gabrielem Naudeum Parisinum , librum hunc censura notasse , quum diceret , eum *sua mole difficulter regi , licet Ciceronianæ dictionis adjutum præsidio* . At vero longe aliter de eo Libro doctissimi Viri ² Jacobus Gaddius , ³ Vincentiusque Mainardus sensere . Primus enim fatetur hoc opus *omnigenæ fere doctrinæ , ac eruditionis per amœna varietate contextum ; alter : Non barbarica asperitate vastum , aut oratione jejuna salebrosum , sed Græca ubertate , & Romana gravitate magnum* . Nec minus honorificum de eo opere , ejusque Authore testimonium ⁴ Raphaël Volaterranus dixit : *Res , inquit , multa cogitatione quæfitas , sæpeque duras cultu orationis , latinitateque molliebat ; cuius ei tanta religio fuit , ut sententias , inventaque perire mallet , quam non apte , ornateque exire . Stili vero elegantiam , cuius fuit admodum studiosus Cortesius , a' Severo Pla-*

cen-

¹ Naudeus in Bibliographia Polit. impress. Lugd. Bat. 1642. pag. 177.

² Jac. Gadd. in Coron. Elogiast. ac de Scriptor. non Eccles. pag. 141.

³ Vinc. Mainard. Geminian. Ord.

Prædic. in Epist. La&t. Cortesio.

⁴ In Epist. nuncupat. ad Jul. II. præfixa Operi de Cardin.

⁵ In Epist. Lactantio Cort. Lib. de Cardin. præfixa.

centino magnopere commendatam ex quadam ejus Epistola intelligimus: *Hic a primis adolescentiæ annis maximo animi ardore ad imitanda Ciceronis vestigia, & ad priscum illius ævi eloquium instaurandum semper aspiravit.* Qua in re quantum profecerit, facile colligi potest, cum ex multis ejus lucubrationibus, tum ex Epistola, quam ad Politianum scripsit cum eo de Ciceronis imitatione contendens ætate quidem adhuc juvenis, at judicio maturus, & senex. Verba Epistolæ hæc sunt: *Quare, ut de me loquar, nihil est, Politiane, quod me a Ciceronis imitatione deterreas, sed quod potius objurges inscitiam, quum nequeam bene illum imitari, quamquam ego malo esse aſſecla, & ſimia Ciceronis, quam alumnus, aut filius aliorum, &c.* Hæc exstat inter illustrium Virorum Epistolas a Politiano partim scriptas, partim collectas, Lib. VIII. Ep. XVII. ¹ Antonius autem Possevinus Paulum inter Scriptores Theologicos numerat inquiens: *Paulus Cortesius Protonotarius Apostolicus quatuor Libros Sententiarum exposuit,* ² de quibus quidem

lo-

¹ Tom. 3.

² Idipſum teſtatus eſt Gaddius l.d.

loquitur ¹ Jodocus Badius Ascensius rei typographicæ locupletator maximus, ubi Opus Cortesii Theologicum nos habere monuit. Luculentius vero ² Guillelmus Cave memoratus, qui ait: *Paulus Cortesius scripsit in quatuor Libros Sententiarum disputationes seorsim editas Parisiis 1513. fol. ac nonnullis Hieronymi Savonarolæ Opusculis conjunctas, Basileæ 1540. fol.* quibus addidit ejusdem Cortesii Opus, cui titulus: *De Sacrarum litterarum, omniumque disciplinarum Scientia, Basileæ impressum apud Henricum Petri; de qua quidem re penes eum fidem esse volo. Ob hæc, ³ aliqua hujusmodi ingenii monumenta, non minus quam ob morum candorem, atque integritatem quum vulgo esset etiam absentibus notus, Romæ claruit, atque in Pontificatu Alexandri VI. & Pii III. Munus obiit Secretarii Apostolici; Protonotarius Apostolicus deinde ex numero Participantium creatus; denique ⁴ Episcopus Urbinas electus est, eo opinata.*

¹ In schol. Epist. XVI. Lib. VIII.
Epist. a Polit. collect.

² Hic Paulum claruisse scribit
an. 1500.

³ Inter ea numeratur Historia, seu

Fabella Hyppoliti, & Dejaniræ Lat. sermone, quæ extat MS. apud Cl. Salvinum Salvinium, ab Episcopo Signino laudata.

⁴ Copp. in Chron.

pinamur tempore , quo ¹ Gabriel de Gabrie-
libus Urbini Antistes Umbriæ legatione fun-
gebatur . Decipitur ² Naudeus , qui Paulum
in Purpuratorum cœtum adnumeratum fuisse
ratus est , & merito ab ³ Hyacintho Coppio
reprehenditur ; sed facile ille amplissimam
dignitatem consequutus esset , nisi ⁴ mors im-
matura anno MDX. ætatis suæ quadragesimo
quinto in Castro suo Cortesiano spem ejus rei
omnem ademisset . In cuius obitu hæc , qua-
liacunque sunt , prodiere ⁵ epitaphia :

*Quid juvat exulto versu decorare sepulchrum,
Debita cum fuerint justa soluta minus ?
Desinite ingenio sic , o certare Poëtæ ,
Non numeris opus est , crebro litate magis .*

T U M U L U S .

*Quid queris? Paulum . Paulum quæ tota parentem
Dicebat nuper Lingua Latina suum ?
Perge alio ; tantum sunt ossa hic putrida , compos
Mens voti Elysios viva pererrat agros .*

EPI-

¹ V. Ughell. Ital. Sac. T. 2.² In Bibl. præd. pag. 177.³ In Ep. Chron. inserta Jo:Vinc. filii.⁴ Copp. in Chron.⁵ Extant apud Copp.

EPITAPHIUM.

*An Patriam, Gentem, Nomen vis? Geminianum,
Cortesiam, Paulum, nosti? ea crede, sat est.*


Ita Michaël Margatti; at¹ Severus Placentinus:

*Eloquii gravitas, & sacri jura Senatus,
Cortesi, sita sunt hic, ubi, Paule, jaces.*

Jacobi denique Gaddii Elogium Oratorium obvium est in Coronide Elogistica ejusdem, ac ubi agit² de Scriptoribus non Ecclesiasticis Græcis, Latinis, ac Italicis. Pauli interitu ingentem fuisse calamitatem litteris importatam Litterati homines conquesti sunt. Is enim Historiæ, Philosophiæ, ac Theologiæ, quas facultates apprime callebat, lucem, ac dignitatem ingenio, atque eloquentia, si diutius vixisset, & extremam, quod ajunt, operibus manum admovisset, fuerat allaturus. Vir animo ab omni dolo penitus alieno, ætatem non desidia, aut voluptate, neque vero in augendis fortunis, sed in litteris colendis studiisque traduxit. Hujus rei præ ceteris argumen-

¹ Apud Copp. & Placent. in Epist. | ² T. I. pag. 141.

mento sit Montana Villa, Cortesianum oppidum appellata a S. Geminiani duobus passuum millibus distans, in quam ipse res urbanas aulicasque pertæsus sub exitum vitæ secesserat, quam in arcis modum redactam amœnissimam fecerat, ubi dulce Musarum diverisorium instituit, quo¹ principes Viri quamplurimi se conferre consueverant; inter quos spectatissimæ prudentiæ senex ille Hercules II. Ferrariæ Dux, Guidus Ubaldus Dux Urbinas, Alexander Farnesius (postea Paullus III. P. M.) & Franciscus Soderinius Cardinales studio visendi hominis, qui negotiorum peritia, rerum aulicarum, politiæque usu, necnon iudicij maturitate oraculum haberetur.² Verba hic referre liceat, quæ ipse in Cortesiano Castro ultimis vitæ mensibus scripsit, dum opus sæpe memoratum absolvere festinabat, mercede illuc conducto Simeone Nicolai Nardi Senensi Typographo, ut is ibidem illud prelo subjiceret, a quo deinde³ publici juris factum est xv. Novembris ejusdem anni MDX. *Quod quidem cum multis in locis, tum maximè bis proximis tribus annis in Cortesiano*



no-

¹ Copp. l. d.² Lib. 3. de Cardin. pag. 229.³ Editio hæc in Castro Cortesiano facta, rara est.

novi; quo cum incredibilis litteratorum multitudo visendi mei causa ex Italia cuncta venisset, ac semper fere inter nos de rerum maximarum studiis legitimus institueretur sermo, saepe inter loquendum, & disputandum sensi multos ob id huic opinioni assentiri velle, &c. Dialogum, quem nunc in publicam lucem emittimus, primo ætatis suæ flore elucubravit, circa annum scilicet MCCCCXC. quod sane colligitur ex iis, quæ leviter attingemus. Mentionio habetur inibi Antonii Geraldini Amerini, veluti vita functi, his verbis: *facile homo litteris instructus, si longior ei vita contigisset, a Rege generoso, ac potente, & opibus, & honoribus sublevaretur.* Constat vero ex Itinario Alexandri Geraldini fratris, atque ex Jacobilli¹ Bibliotheca, Antonium diem suum obiisse anno MCCCCLXXXVIII. Scribitur autem Dialogus a Paulo adhuc adolescente, de quo dici possit² inesse Operi quandam super istius ætatis captum quasi maturitatem, ut ait Politianus; eo vero tempore annum agebat noster vigesimum quintum. Dicatur denique Dialogus Laurentio Mediceo, qui fato cessit ineunte an-

no

¹ Bibl. Umbr.² In Epist. quadam a Polit. scripta,

quam in calce referemus.

no MCCCCXCII. Ceterum censura instituitur plurimorum Scriptorum a restitutione litterarum Latinarum ad ea usque tempora fere omnium vita functionum, ut patet ex verbis ipsis Dialogi pag. 55. *Præclare intelligo, cur neminem ex his, qui hodie sunt, velis ipse nominare.* Quare nil mirum sit, inibi de Marsilio Ficino, Angeloque Politiano, quem pag. 48. Dialogi amicum vocat, patriæ nostræ luminibus, ne verbum quidem legi. In Epistola Cortesii nuncupatoria ad Laurentium Virum magnanimum hæc habentur: *Quum sæpe in mentionem incidisem eorum hominum, qui nobis studia doctrinæ ab interitu vindicarunt, dolebam equidem quum a nobis multum summis ingeniosis deberetur, nos esse ad remunerandum tardiores.* Itaque cum multis sæpe in locis, tum maxime nuper in Insula, quæ est in lacu Volsiniensi (Farnesiæ Domus fundo, de quo vide ejusdem Dialogi pag. 2.) eorum est habita mentio. Nam quum ex Urbe aliquot adolescentes in Insulam venissimus, essetque nobiscum Alexander Farnesius, adolescens cum ingenuis artibus instructus, tum summa mecum benevolentia conjunctus, cepimus ibi sedentes inter nos colloqui multis variisque

* † 2

de

* Quæ Dialogo præfigitur.

*de rebus propter loci amœnitatem. Quumque quæ-
rereretur quinam essent hi, quorum ingeniosis sunt
sopita studia excitata, rogavimus omnes Anto-
nium quendam majorem natu, doctissimum qui-
dem illum hominem, & ingenii acerrimi, ut si
ei placeret, quid de his viris sentiret, explica-
ret; quod quum ipse multa de unoquoque proprie-
gravissimeque differuisset, collegissetque eos ho-
mines uno sermone usque ad hanc ætatem, tan-
tum me illa vel copia, vel illo orationis cursu
delectavit, ut decreverim eum ipsum sermonem
mandare litteris. Hinc desumuntur Authoris
de hoc Dialogo edendo consilium, occasio,
locus, tempus, personæ denique, nempe Pau-
lus Cortesius, & Alexander Farnesius adole-
scentes, atque Antonius quidam Vir grandæ-
vus, & doctus, de quo nihil mihi est adhuc
exploratum. Perraro citatur hic Dialogus,
a ¹ Gaddio aliisque omissus: nec mirum; ad
hæc enim ferme tempora latuit. Laudatur
tamen inter recentiores ab eruditissimo Jo-
hanne Vincentio Coppi (penes quem auto-
graphum extitit) in Chronicis Geminianen-
sibus; atque a Cl. Viro nominisque fama ce-
leberrimo Apostolo Zeno in suis Additionibus*

ad

¹ Ubi de Cortes. loquitur.

ad Vossium editis inter Ephemerides Litteratorum Italiæ . At vero multo ante meminerat Lucius Fazinius Maphæjus Episcopus Signinus, Vir,ⁱ Ughellio teste, doctrina clarus, peritiaque tum Græcæ , tum Latinæ Linguæ percelebris, qui de eo ita ad Cortesium scripsit:

L. M. PHOSPHORUS PONTIFEX SIGNINUS

PAULO CORTESIO S.

Dili, Deæque, quid ego video? Quotus enim quisque est, qui alterum tantum exhibeat, aut præstet? Legi igitur tuum Dialogum elegantissimum, ac planè Latinum. Apparet te in legendō Cicerone operam non amisisse, ita eum effinxisti. ipsum certè audire videor. Sed isto in libro id præcipue sum admiratus, quod in judicandis nostrorum hominum ingeniiis tam æquus fuisti. Nullis nec odiis, nec amicitiis motus, omnes vel laudas, vel taxas; aliquos ita certis, & veris exceptionibus describens, ut ne ipsi quidem negaturi sint, si reviviscerent. Quare, mi suavissime Paule, perge, & ede Opus: nihil est, quod vereare. Ausim affirmare, si quid ego sum, omnes istos, quos commemorasti, facile a te uno in dicendo superatos.

Præ-

ⁱ Ital. Sac. Tom. I.

Præclarum etiam extat de eodem Dialogo Angeli Politiani judicium, quod privatis litteris ad Cortesium datis consignavit; quas, quod nemo ad hanc diem, ut item superiores Fazinii, ediderit, libuit extremo hoc loco attexere, eo quia hujus Dialogi apographo præfixas invenimus.

A N G E L U S P O L I T I A N U S
PAULO CORTESIO SALUTEM.

Quid de tuo sentiam Dialogo, vix audeo quidem sine cunctatione proferre. Nam nec invidiae objicere Amicum, nec dissimulare tamen judicium volo. Sed tamen aut amore labor, aut libello tuo nobilior est indoles, quam quæ vide ri continuo temporum possit. Censuram sic agis Litteratorum, ut, quod est arduum, candorem pariter tuum probes, & libertatem. Certè inest Operi quedam super istius ætatis captum quasi maturitas: illa verò tempestiva, non præcox. Stili quoque voluntas apparet optima, &, ut auguror, a summo non diutiùs abfutura. Postremò, ut semel dicam, Phosphori sententiae non accedo solum, sed & faveo. Tuæ deinceps erunt partes, ut quam modestè gloriam, tam fortiter invidiam feras. Vale.

IN-



I N D E X DOCTORUM VIRORUM, QUORUM MENTIO IN OPERE HABETUR.




- A** Lexander Cortesius. *Página* 44.
 Ambrosius Camaldulensis 17.
 Andreas Brentius 50.
 Andreas Contrarius 48.
 Angelus Politianus 48.
 Angelus Sabinus 48.
 Antonius Campanus 37.
 Antonius Cortesius 47.
 Antonius Girardinus 51.
 Antonius Lollius 53.
 Antonius Luscus 26.
 Antonius Panormita 28.
 Antonius Tudertinus 31.
- Bartholomæus Faccius 30.
 Bartholomæus Lampridius 52.
 Bartholomæus Platina 44.
 Benedictus Accolti 22.
 Bernardus Justinianus 54.
 Bessarion Trapezuntius 42.
 Boninus Mombricius 49.
- Campaninus Septimulejus 46.
 Carolus Arretinus 19.
 Cherubinus Quarqualius 53.
 Christophorus Persona 29.
 Cola Montanus 50.
 Coluccius Salutatus 9.
- Daniel Francinus 52.
 Dantes Aligherius 6.
 Dominicus de Dominicis 36.
 Domitius Calderinus 40.
 Donatus Acciajolus 43.
- Emmanuel Chrysoloras 5.
- Flavius Blondus 31.
 Flavius Pantagathus 51.
 Franciscus Accolti 53.
 Franciscus Barbarus 20.
 Franciscus Lippus 48.

Gaspa-

XVI INDEX DOCTORUM VIRORUM.

- Gasperinus Veronensis , vel Per-
gamensis 26.
Georgius Merula 30.
Georgius Trapezuntius 25.
Gregorius Tiphernas 30.
Guarinus Veronensis 13.
- Hermolaus Barbarus 20.
- Jacobus Ammannatus 45.
Jannostius Manettus 21.
Janus Pannonius . v. Johannes Pan-
nonius.
Johannes Andreas Aleriensis 36.
Johannes Argyropylus 42.
Johannes Aurispa 15.
Johannes Basinius 36.
Johannes Boccaccius 8.
Johannes Jovianus Pontanus 34.
Johannes Pannonius 47.
Johannes Ravennas 9.
Johannes Tortelius 19.
Julius Pomponius Lætus 26.
- Lapus a Castilionchio 30.
Laurentius Bonincontrius 54.
Laurentius Valla 27.
L. Carbo 54.
Leo Baptista Albertus 21.
Leonardus Arretinus 9. 55.
Leonardus Datus 30.
Leonardus Justinianus 18.
Lucius Fazinius Maphæjus 44.
- Mambrinus Roseus 49.
Mapheus Vegius 16.
Marius Philephus 33.
- Martinus Phileticus 52.
Matthæus Palmeius 43.
- Nicolaus Niccolus 14.
Nicolaus Perottus 39.
Nicolaus Quintus Summus Ponti-
fex 19.
Nicolaus Saguntinus 15.
Nicolaus Valla 46.
- Omnibonus Leonicenus 27.
- Pætonus 54.
Pallas Stroza 21.
Paulus Marsus 50.
Petrus Candidus 15.
Petrus Montopolita 30.
Petrus Nucetus 29.
Petrus Paulus Vergerius 15.
Pius Secundus Pontifex Maxi-
mus 35.
Poggio Bracciolinus 22. 55.
Porcellus Neapolitanus 33.
- Rinuccius Theffalus 29.
Robertus Vulturius 36.
- Sigismundus Malatesta 34.
- Theodorus Gaza 40. 55.
- Victorinus Feltrensis 26.
- Xenophon Philephus 33.
Xicco Polentonius 16.





PAULUS CORTESIUS
LAURENTIO MEDICI
S. P. D.



Um maximis in rebus, Magne Laurenti, nostrorum hominum præclara ingenia soleo laudare; tum præsertim in his studiis, quæ ex tenebris tanquam ad intuendam lucem revo- carunt. Nam quum esset aliquando ex diuturna barbarorum vexatione Italia liberata; tum incredibilis multitudo se contulit ad omnium magnarum artium disciplinas celebrandas. Quorum studiis Principes illius ætatis tantum ad facultatem perquirendæ doctrinæ profuerunt, ut pariter desertarum disciplinarum patroci- nium suscepisse viderentur. Quo in genere

† †

Avus,

XVIII CORTESII EPISTOLA

Avus, & Pater tuus, sapientissimi homines, extiterunt, qui quum florerent omnibus virtutibus, bac in laude ingeniorum excitandorum longè ceteris præstiterunt. Tu vero hujus gloriæ præclarus amplificator, non modò extollis ingeniosorum hominum studia, sed etiam in maximis occupationibus omne domesticum tempus ad artes elegantes, atque ingenuas confers. Et quum ad naturam eximiam gravissimarum disciplinarum instrumenta adhibueris, conjunxerisque difficillimam societatem potestatis, & sapientiae; mirabile sit dictu, quantum inter clarissimos homines unus excellas. Nam, quum primâ ætate Respublica se tibi commisisset, tuque eam sic constituiſſes, ut & omnium saluti consuleres, & eam ex flammâ civilis belli, atque ex acerbissimâ calamitate eriperes: quumque ille casus satis locuples fuisset, vel sponsor rectæ voluntatis, vel testis clementiæ tuæ; haud tamen erat satis cognitum, plusne tibi ad salutem virtus, an fortuna contulisset. Nunc verò quum tot jam annos, & his temporum asperitatibus non modò Rempublicam conservaveris, sed etiam ejus imperii fines dilataveris; nemini dubium est, te ad

hæc

hæc administranda plus a virtute, quàm a fortunâ, quæsiisse præsidii. Jam vero quo unquam in homine tam diversæ inter se fuerunt partes virtutum maximarum? Quid enim longius abest, quàm a gravitate facilitas? Quis tamen te constantior? contra verò quis clementior, aut lenior? Quid tam mirabile, quàm magnitudinem istam animi humanitatis condimentis temperari? Quid est difficilius, quàm in tantâ nominis celebritate, & gloriæ ita modeste, ac temperate vivere? Äquum est, ut quum secundis prudenter modereris, & fortissimè tuleris adversas, omnem superes consilio fortunam. In quo par laus est, illius a te victæ, tua receptæ. Magna hæc quidem: sed tamen sunt & alia his fortasse non minora. Nam cum hæc bene vivendi ratio disciplinarum adjumentis confirmatur; tum nescio quid excellens, ac perfectum fieri videmus. Habes enim plurimas artes harum virtutum comites, ac ministras; quæ quum sint specie dissimiles, prudentiâ tamen eas ad omnem usum, & ad vitæ jucunditatem conjunxisti. Quis unquam te in dicendo gravior habitus est, aut in omni sermone sapientior? Jam

*Poëmata tua, quod lumen ingenii, quæ ornamen-
ta non habent? Quid dicam, quantum in Mu-
sicis, quantum in Mathematicis, quantum in
Philosophiâ profeceris? Itaque solus his virtutum
præsidiis, & isto tuo mirifico sapientiæ bono,
veræ gloriæ gustum sentis. Ergo ex omni Italia
te unum homines intuentur; te ita verissimis lau-
dibus ad omnem memoriam commendant, ut
nulla unquam sit tuum nomen obscuratura ætas.
Et præclarè cum illis actum, qui te commen-
dando in societatem gloriæ venire coguntur.
Ego verò quum ab ineunte ætate unâ omnium vo-
ce laudes viderem celebrari tuas: jamque ado-
lescens admirabili famâ compulsus, vehementer
flagrarem, signum aliquod meæ erga te volun-
tatis ostendere; id primum conari volui, cuius
maximè studiis deditum te esse sentirem. Sed
ut revertar ad ea, quæ cæperam; quum sæpe in
mentionem incidisse eorum hominum, qui nobis
studia doctrinæ ab interitu vindicarunt, dole-
bam equidem, quum a nobis multum summis in-
geniis deberetur, nos esse ad remunerandum tar-
diiores. Itaque cum multis sæpe in locis, tum ma-
xime nuper in insula, quæ est in lacu Volsiniensi,
eorum*

eorum est habita mentio. Nam quum ex Urbe aliquot adolescentes in insulam venissent, eßetque nobiscum Alexander Farnesius, adolescens cum ingenuis artibus instructus, tum summa mecum benevolentia conjunctus, cœpimus ibi sedentes inter nos colloqui multis variisque de rébus, propter loci amœnitatem; quumque quæreretur, quinam essent hi, quorum ingeniis sunt sopita studia excitata: rogavimus omnes Antonium quendam majorem natu, doctissimum illum quidem hominem, & ingenii acerrimi, ut, si ei placeret, quid de his viris sentiret, explicaret. Quod quum ipse multa de unoquoque propriè, gravissimèque disseruisset, collegissetque eos homines uno sermone, usque ad hanc ætatem; tantum me illâ vel copiâ, vel illo orationis cursu delectavit, ut decreverim eum ipsum sermonem mandare litteris. Quamquam non ignoro, quām minus verecundè faciam, quòd primum tantam rem suscepimus, quòdque mea scripta auctoritate tui potissimum nominis celebrari velim, quorum alterum esse potest hominis fortasse ingeniosi, & studio litterarum flagrantis; alterum verò non nisi parum verecundi. Nam quicquid litteris man-

datur

datur, qualemcumque sit, per se laudabile est; at homo adolescens non satis instruclus artibus, ac doctrinis, quum palam sua scripta protulerit, omnino avidior, quam par est, gloriæ, videri potest. Tu tamen, Magne Laurenti, non tam meam hanc licentiam, quam voluntatem metiare, ut si semel extra ripas verecundiæ defluxerim, existimes, me id licentiùs fecisse spe patefaciendi mibi aditum ad amorem tuum. Neque enim fas esse puto, quemquam inire tuam gratiam, nisi per virtutem. Quod mibi erit jucundius, si meam hanc voluntatem probaveris, ut aliquando approbatione divini ingenii tui, ad majorem laudem videar excitari. Vale.





*Ego tanquam Criticus antiquus
judicaturus sum.*

Cic. ad Dolabell.



the Indian nation
Native Americans
Cape Cod



PAULI CORTESII
DE
HOMINIBUS DOCTIS
DIALOGUS.



P A U L U S.

Nsula quidem hæc ex omni aspe-
ctu eximiam habet speciem pul-
chritudinis. Nam cum lacus ipse
perlucidus, & frugiferis undique
collibus cinctus vehementer de-
leget; tum hæc umbrosa saxorum
altitudo, & hi vestitus riparum
tantum voluptatis afferunt, ut
cum me a frequentia hominum ad ocium conferre
statuerim, nusquam potius sim. Quanquam tu quidem,
Alexander, qui eundem gustum habes, quantum in-
telligere possum, hujus loci opportunitate libentissime
uti soles. ALEXANDER. Ego vero cum ociosus

A sum,

sum , sive quid volo sine interpellatoribus legere , sive aliquid mecum ipse cogitare , hanc potissimum amœnitatem sequor . Sed est alia quoque causa , quæ me sæpius huc venire invitet , atque allectet . *Paulus* . Quænam est igitur ista causa ? *Alexander* . Quia hîc multa sunt monumenta majorum meorum . Nam Rhamnusius Avus meus hujus sacrarii fundamenta jecit ; quod postea Patris , & Patrui mei studio auctum est , ut vides , laetus , ac magnificentius . *Paulus* . Jure igitur a te diligitur hic locus . Et ego jam , non tam ejus amœnitate delector , quam recordatione Rhamnusii magni mehercule Viri , vel potius summi Imperatoris . Fuit enim is unus ex illo cœtu , & robore optimorum hominum . *Alexander* . Gaudio me tibi ostendisse hæc monumenta laudum domesticarum . *ANTONIUS* . Recte tu quidem facis , Paule , quod tantopere Rhamnusium laudas ; visderis enim mihi eum laudando felicitatem illorum temporum significare : & fuerunt omnino memoria Patrum , cum plerique bellicis rebus præclari viri , tum multi omni genere doctrinæ floruerunt . *Paulus* . Ego vero cum utrumque id genus hominum admirer , hos etiam amo , quorum industria sunt nobis aditus ad eloquentiam patefacti . Sed quoniam , Antoni , in hanc mentionem incidisti , erit nobis pergratum , si de his doctis Hominibus quid sentias explicabis . *Antonius* . Quid dicit Alexander ? *Alexander* . Mihi quidem erunt ista gratissima ; & sane locus ipse adhortari videtur , ut aliquid hîc inter nos in umbra col-

colloquamur , & sumus ociosi . *Paulus* . Recte tu quidem , Alexander ; scitum est enim illud , opus ocii extare oportere . Ordire igitur , Antoni , id , quod ex te requirimus . *Antonius* . Ego , etsi libenter hoc muneris , quod mihi imponitis , refugarem , tamen quoniam ita avide rogatis , ut durum adinodum sit huic vestræ non obsequi cupiditati ; exponam omne meum vobis de Hominibus doctis judicium , non tam ostentandi ingenii spe , quam negandi verecundia . Quæritis igitur quanti , & quales in disertorum numero habiti sint , & qui mihi ad aliquam eloquentiæ laudem maxime accessisse videantur . Ego vero si Avorum memoriam repetere voluero , ita reperiam eloquentiam obmutuisse , ut non tam calamitatem temporum deplorandam putem , quam gratulandum nostris hominibus , qui hæc ipsa studia nobis revo- carunt . *Alexander* . Sane quidem , & ego quoque his ipsis hominibus plurimum me debere cogor confiteri ; sed tamen non video unde tanta varietas sæculorum , tot cœli mutationes innascantur , ut quarumdam ætatum procreationem Dii immortales ha- buisse , quasdam omnino contempssisse videantur . Nam quot Oratores uno tempore Athenæ tulerunt ? Quan- ta dicendi vis ? Quæ disciplinæ ? Quæ ingenia ex uberrimis illius ætatis fontibus defluxerunt ? Quot una ætate Romæ Oratores floruere ? Quot valuere dicen- do ? Mitto disciplinam rerum bellicarum : mitto præ- clara studia ceterarum artium . Contra vero quid a- vorum memoria bonarum artium egentius ? Quando

unquam litteræ diutius conticuerunt? Quando tan-
tum obsolevere ingenia, ut plane omnia uni ætati
Deorum munere concessa, alteri omnia fatali quo-
dam malo erepta esse videantur? *Antonius.* Assen-
tior in hoc tibi, Alexander, quod temporum varie-
tates Deorum nutu fieri censeas. Quis enim dubitet
cuncta a supremo illo Opifice præclaro quodam ju-
dicio administrari? Sed omittamus istam doctorum ho-
minum in cœlestium rerum investigatione scientiam.
Explicandæ nobis potius erunt hæ causæ, quæ elo-
quentiæ studia funditus ex Italia sustulerunt. Ac pri-
mum mihi quidem videtur translatio illa domicilii
Imperii Romani ex Italia in Thraciam, non minimam
attulisse eloquentiæ jacturam; qua profecto emigra-
tione, & aditus Italiæ patuerunt barbaricæ crudelita-
ti, & Romanorum opes corruerunt. Nam barbaræ
nationes odio diuturnæ servitutis, ac delendi no-
minis Romani cupiditate, in Italiam tanquam ad cer-
tam prædam confluxerunt; ex quo tantæ calamitates
consequutæ sunt, ut cives suis sedibus pellerentur,
immanes gentes in nostrum genus infunderentur, &
civitates everterentur, & fortunatissima quondam
Respublica dilaberetur. Nec vero solum hæ nationes
una tantum præda contentæ fuerunt; sed etiam mille
prope annorum spatio Italiæ possessionem acerbissima
vexatione tenuerunt. Hinc colligatio affinitatis cum
barbaris; hinc multis involucris inquinata latine lo-
quendi consuetudo; hinc direpta, atque exusta in-
finita librorum copia. Quibus rebus factum est, ut

na-

DE HOMINIBUS DOCTIS.

5

nascentia ingenia omni ope destituta, & penitus in barbariem immersa languerint. *Paulus.* Quamquam omittamus ista, Antoni, quæ sine dolore audire non possumus: refricantur enim molestiæ commemo ratione acceptarum calamitatum. Sed pergamus potius ad ea, quæ cœpimus de Hominibus doctis, Ora toribus enim non ausim dicere. *Alexander.* Mihi vero, Antoni, probantur satis ea, quæ modo sint a te dicta; sed tamen nemo negarit has clades, hæc incendia, varietatesque & temporum, & maxi marum rerum fato quodam fieri, aut casu, aut cœli conversionibus. *Paulus.* Quorsum ista, Alexander? Noli quæso in hanc disputationem Antonium revocare. Sunt enim ista jamdiu a doctissimis illis Vi ris disputata, quæ & commodius tempus, & longior em sermonem postulant. *Alexander.* Nihil sane impedio. *Antonius.* Quoniam igitur difficile admodum esset singulos nominare, qui aliquam eloquentiæ laudem attigerunt; de his tantummodo hoc loco dicendum erit, quorum scripta in manibus hominum versantur; & hi etiam nimirum, quos a majoribus, aut laudatos accepimus, aut, qui poëtica aliqua gloria præ stiterunt, in hunc sermonem referendi videntur. Nam posteaquam maximarum artium studia tamdiu in for dibus ægra, desertaque jacuerunt, satis constat ¹ **CHRY-**

SO-

¹ EMMANUEL CHYSOLORAS primus Græcas litteras variis barbarorum irruptionibus expulsas, post septingentos annos in Italiam reportavit. Is enim anno 1398. Byzantio emissus a Johanne Imperatore, ut totius Europa Reges adeundo pereunti Gracia mat turam opem imploraret, officium laboriosa peregrinatione implevit, ac Venetiis primum, mox Florentia, Romaque, ac demum Ticini, evocante ingentibus præmiis Johanne Galeatio Principe, Gracarum Litterarum studium excitavit. Constantia interiit anno 1415. Fusius Jov. in Elog.

SOLORAM BYZANTINUM transmarinam illam disciplinam¹ in Italiā advexit; quo doctore adhibito primū nostri homines totius exercitationis, atque artis ignari, cognitis Græcis litteris, vehementer se se ad eloquentiæ studia excitaverunt. Et quoniam sublato usu forensi, illa dicendi laude carebamus, incredibile eorum studium fuit in scribendis, vertendisque ex Græcis in Latinum sermonem historiis. Sed cum historia munus sit unum, vel maximum oratorium, attingenda ea erunt, quæ in unoquoque potissimum laudanda judicabimus. *Alexander.* Video cur a Chrysolora exorsus sis, ut Dantem scilicet, & Franciscum Petrarcham interponeres, qui ante Chrysoloram aliquot annis floruerunt. *Antonius.* Non equidem, Alexander, a Chrysolora exordium cœpi, ut istos interponerem, sed quoniam illis temporibus erexisse se admodum eloquentia videri solet, decreveram singulos nominare, qui ex præclara illa Chrysoloræ officina defluxerunt. *Alexander.* Cupio sane audire de his duobus quid sentias. *Antonius.* Ego vero negare non ausim flagrantissimum in Dante, & in Petrarcha studium fuisse priscarum rerum; sed in² DANTE, tanquam in veteri pictura, detractis coloribus, nonnisi delineamenta delectant. At jure eum honoravit fama. Præclarum ejus³ Poëma plane in-

di-

¹ Cosmi Medic. ope Athenæ Florentiam commigrarunt. Aver. Op. T. 3. Or. 12.
² De operibus Latinis dictum puta; ceterum Etrusca laudatoribus non egent.

³ Jovius in El. *Primus Italorum Dantes Aldigerius non instituto vetustatis ordine tantum, sed præcellenti gravis ingenii fecunditate primum locum inter imagines meritus, optimo jure conspicitur.* Nemo hactenus extitit, Leonardo Salviato teste, qui Dantem divinæ Comœdiae scribendi genere potuerit vincere; usque adeo vocabulis, & elocutionibus suis proprius est, quamvis insolens, quod sibi delegerat argumentum, eum saepe coegerit voces, atque phrases satis singulares usurpare. Claruit an. 1300.

dicat incredibilem ingenii magnitudinem. Mirabile illud certe fuit, quod res tam difficiles, tam abstrusas vulgari sermone auderet explicare. Est enim in sententiis subtilis, & argutus, acerbus in reprehendendo, in probando nervosus; sed interdum etiam rebus non satis apertis ¹ obscurus. In permovendo autem, & incitando, non est credibile quantum sit concitatus, & vehemens. Utinam tam bene cogitationes suas latinis litteris mandare potuisset, quam bene patrum sermonem illustravit! Sed ad PETRARCHAM veniamus; cuius de ingenio, industriaque ex tam multis ejus libris existimari potest. Homo enim interpellantium multitudinem fugiens ² multa scripsit in ocio. Hujus sermo, nec est latinus, & aliquanto horridior; sententiæ autem multæ sunt, sed concisæ; verba abjecta, res compositæ diligentius, quam elegantius. Fuit in illo ingenii, atque memoriæ tanta magnitudo, ut ³ primus ausus sit eloquentiæ studia in lucem revocare; nam hujus ingenii affluentia primum

¹ Altissimo ingenio, atque incredibili præditus fuit Poëta Dantes, qui res obscuras, & difficiles perscrutatus est. Bocch. in Elog. Videndum Vincent. Gravina Rag. Poët. l. 2. edit. Neapol. an. 1716. pag. 177.

² Circa annum 1340. scribit Vossius de Poët. Latin. c. 7. Petrarcha longe lateque diffundere cœpit ingenii divini, doctrinaque miranda varia monumenta.

³ Paulus Vergerius in ejus Vita: Unicus fuit (Franciscus) qui per tot sacula exulantem, & jam pene incognitam dicendi facultatem in nostra tempora revocaret. Erasmus in Ciceroniano: Resfrescentis eloquentia princeps apud Italos videtur fuisse Franciscus Petrarcha sua atate celebris, & magnus, &c. subdens in eo fuisse ingenium ardens, magna rerum cognitio, nec mediocris eloquendi vis. Atqui est ubi desideres in eo Lingua Latina peritiam, nam tota dictio resipit facili prioris horrorem. Sed debeamus plurimum (Jovius in Elog.) ingenuo sudore semper astuanti, dum litteras a multo & a misere sepultas e Gothicis sepulchris excitaret. Vide quæ doctissimus Benedictus Averanius de Petrarcha Litterarum Latinarum vindice differit Oper. T. 2. Diss. 50. in Ciceronem, ac ea quæ Cl. Vir Apostolus Zenus Venetus in Ephemer. Literat. Ital. T. IX. ubi verba refert Leonardi Aretini fatentis, Petrarcham primum fuisse, qui studia eloquentiæ in vita revocarit.

mum Italia exhilarata, & tanquam ad studia impulsa, atque incensa est. Declarant ejus Rhythmi, qui in vulgus feruntur, quantum ille vir consequi potuisset ingenio, si latini sermonis lumen, & splendor affuisset; sed homini in fæce omnium sæculorum nato illa scribendi ornamenta defuerunt. Sed ut saluberrimæ potiones, non suavitatis, sed sanitatis causantur: sic ab eo non est delectatio petenda, sed transferenda utilitas; quamquam omnia ejus, nescio quo pacto, sic inornata delectant. Huic ob multarum rerum doctrinam, & ingenii famam honores amplissimi habiti sunt. Et iisdem temporibus fuit JOHANNES BOCCACCIIUS, sed decennio fere minor, quam Petrarca. Hujus etiam præclarissimi ingenii cursum ¹ fatale illud malum oppressit; excurrit enim licenter multis cum salebris, ac sine circumscriptione ulla verborum. Totum ² genus inconditum est, & claudicans, &

je-

¹ *Fatale illud malum opprescit (scil. barbaries latini sermonis.)* Fuere & alii, qui Boccaccium Italicae Linguæ potius, quam Latinæ facundia multo peritissimum appellarunt, sicuti Flavius Blondus; sed id tantum sæculi vitio adscripsere. Audi Lilium Gyraldum in Epist. Non tamen equidem inficias ierim, Johannem Boccaccium hominem fuisse studiofissimum, & elegantis ingenii, ut ea ferebant tempora; ingeniosum etiam, & eruditum, sed non in Latinis, & eo minus in Græcis fuit, qui in proprio idiomate, hoc est in Etruscis, patrio scilicet, & vernaculo sermone, omnes qui ante, & post eum scripserunt, magno post se intervallo reliquit. Subdens alibi: Franciscus Petrarcha, & Johannes Boccatus prater ea, quæ multa soluta oratione uterque composuit, nonnulla quoque carmine Latino scripsero, in quibus non multo præstat alter alteri. In his, licet quod temporum tamen vitio adscribendum putarim, multum tamen Poëtici spiritus habere videntur. Hinc est quod Jo: Matthæus Toscani de Petrarcha ait: Latinam idem Poësim jam sepultam, ea felicitate excitavit ab inferis, ut ejus ergo primus a Christo mortuo Roma laurea donatus sit. Pepl. Ital. Lib. 1.

² De Genealogia Deorum dictum intelligo. *Theogonia non admodum accuratum, ac Mythologia non satis idoneum enarratorem* judicavit Boccaccium Balthasar Bonif. Iud. Hist. Lib. 15. c. 3. Sed sat illi est ob alia immortale nomen adeptum. Trithemius Poëtam, Philosophum, & Astronomum celeberrimum nominavit. Paulus Jovius ita de eo: *Obfolescunt, & ægre quidem vita spiritum retinent Libri de Genealogia Deorum, &c.* & de

DE HOMINIBUS DOCTIS.

9

jejunum; Multa tamen videtur conari, multa velle. Ex quo intelligi potest, naturale ejus quoddam bonum inquinatum esse pravissima loquendi consuetudine. Eodemque modo de ¹ JOHANNE RAVENNATE, & COLUC-
CIO SALUTATO judicare licet; qui nunquam etiam ab orationis asperitate mæstitiaque abesse potuerunt. *Alexander.* Gratissima ista mihi fuerunt: Et sane multum, ut dicas, horum gloriæ iniquitas temporum detraxit, & quasi ingeniorum acies perstrinxit. *Antonius.* Nunc autem octoginta fere annorum memoriām hoc sermone complectemur. Sed quoniam uno tempore omnes, ac prope æquales fuerunt, multi sunt multorum ætatis implicati; dabitis veniam si minus ætatum ordines servabuntur. Magistro igitur Chrysolora, plerique nostrorum hominum, tanquam ex palæstra quadam impulsi se ad eloquentiæ studium contulerunt. Quorum in primis laudandus est ² LEO-

B

NAR-

de Fontibus accurate potius, quam feliciter elaborati, quando jam illa deceim dierum Fa-
bula, Milestarum imitatione in gratiam oblectandi ocii, admirabili jucunditate composita,
in omnium nationum Linguas adoptentur, & sine ulla suspicione interitus, applaudente
populo cunctorum operum gratiam antecedant. Author noster de Cardinalatu lib. 2. pag. 95.
Boccaccium ob genus Etruscæ locutionis laudat. Vide sis doctorum hominum, Prin-
cipumque industrias, ut Decameron expunctis damnosis illecebris in manus omnium ad
publicam utilitatem perveniret, in editionibus Leonardi Salviati apud Juntas.

¹ JOHANNES RAVENNAE celebris Rhetor fuit, qui floruit prope an. 1400. Hic, Blondo teste, Petrarcham senem puer novit. Celebris & iisdem temporibus COLUCCIUS SALUTATUS duorum Summorum Pontificum a secretis, ac Reipublicæ Florentinæ Scri-
ba, de cuius obitu Divus Antoninus: An. Domini 1406. D. Coluccius migravit ad
Dominum, qui fuit Cancellarius Communitatis per triginta annos, vir justus, ac re-
ctus, magna scientia, & eloquentia, &c. Libros aliquos edidit poëticos; & ex deli-
beratione Magistratus fuit coronatus laurea mortuus, ut Poëta; sepultus honorifice in
Ecclesia majori. Flavius vero Blondus Cortesii sententiae adhærere videtur quum Ital.
illuſtr. lib. 1. magis Coluccii doctrinam, quam eloquentiam laudet; quamquam id vi-
tio ſæculi, ut diximus, adſcribatur.

² De ARETINO sic Jovius in Elogiis: Primus in Italia Leonardus Aretii natus,
Graciarum litterarum decus a multis ſaculis Barbarorum immani tyrannide proculcatum cre-
xit,

NARDUS ARETINUS. Hic primus inconditam scribendi consuetudinem ad numerosum quendam sonum inflexit; & attulit hominibus nostris aliquid certe splendidius. Multæ sunt in eo oratoriæ virtutes; gravis est in toto genere, & prudens, & ut illis temporibus non incultus. Historiam complexus est animo aliquanto majore; nam orationes ejus, quæ exstant, non æque ac historiæ probantur. *Alex.* Est ut dicas, Antoni, nam & ego sæpe legi funebres ejus quasdam laudationes, quæ mihi quidem non satis probabantur; atque id accidisse putabam, propterea quod nullæ exstarent orationes funebres ex antiquissimis illis auctoribus imitandæ; ex quo minime mirum videri solebat, si Leonardus ipse in eo præsertim dicendi genere orator fuerit; si modo orator, copiosior, quam aptior, aut ornatior. *Antonius.* Præclare intelligo quod dicas, Alexander. Et sane mihi videtur nihil posse ornate, varieque dici sine exercitatione, qua optimum quemque imitando effingimus. Quin etiam ipsem multos jam sæpe cognovi, qui potius in quodam imitationis genere, quam in differendi præceptis operam ponendam putarint. Sed tamen non erit eloquentiæ vis in hunc tam angustum locum adstringenda, ut cum imitatio desit, quicquam præclarum assequi nos posse diffidamus.

Quis

xit, atque restituit. Ejus enim incomparabili beneficio morales Aristotelis Libros optima fide traductos legimus, &c. Hac ingenii fecunditate florentem Innocentius Septimus, quamquam plane juvenem, gravissimo muneri parem, epistolarum Magistrum fecit, &c. Novissime revocatus in Etruriam populi Florentini res gestas prescripsit, nec multo post senex divitiis, & gloria plenus Florentia vita funitus est: dignus utique sepulchri titulo, ac marmoris ornamento, quod in Aede S. Crucis spectatur. Obiit an. 1443. ætatis suæ 74.

DE HOMINIBUS DOCTIS. II

Quis dubitet orationes omnes funebres in laudationum genere versari? Quis de laudibus dicturus, si nulla præsertim erit imitatio, ad artis præcepta non confugerit? Ars profecto via certior est, quam imitatio; qua opes atque ornamenta ad differendum suppeditantur.

Alexander. Dii immortales, quam jucunda ista mihi fuerunt! Cupio me jam ab imitatione ad artis præcepta conferre.

Antonius. Cave, Alexander, in Oratore quicquam putas esse imitatione præstantius. Nec enim est aliud imitari, quam effingere præscriptam differendi artem. Sed quoniam sine artificio tam facile possumus vitia, quam virtutes imitando consecrari; eam ob causam non desinamus vos, & carissimum mihi quemque cohortari, ut hæc differendi præcepta toto animo complectamini. Nulla est enim tanta ubertas ingenii, nulla tam diligens imitandi industria, quam sine hujus artis ratione bene disposita, ac præclare inventa possit effingere. Ex quo efficitur, ut plerique bona maxime probent; sed cur probent nesciant. Idem nihil laudis in scribendo consequuntur, nisi quando fortuitu, aut natura. Intelligendum est igitur certissima quadam artis ratione, quid sit ex arte scriptum; quid imitari debeamus; quando alienis exemplis; quibus ornamenti oratio nostra coloretur. Sed hæc nimis fortasse multa.

Paulus. Immo pauciora, quam vellem.

Alexander. Mihi vero, Antoni, tantum ista profuerunt, ut nunc demum aliquid imitando consequi me posse putem; antea vero obducta caligine adumbratum

fuisse . Sed jam iterum ad Leonardum revertere . *Antonius* . Leonardus igitur , cum admodum adolescens in Chrysoloræ ætatem incidisset , litteras Græcas acerrimo studio complexus est . Frequenter & legens , & audiens tantum his studiis operæ dedit , ut multa celeriter ex Græcis mandarit latinis litteris . Habebat is quandam eloquentiæ formam animo comprehensam , quam omnino , non ut voluit , sed ut potuit expressit ; & erat illi ingenium a natura capax omnium doctrinarum , quod etiam arte quadam expoliverat . Historiam vero scripsit accurate : conciones aliquot sunt graves : consilia , & bellorum initia , atque eventus explicantur valde prudenter : consestatur in historia quiddam Livianum , non ausim dicere Ciceronianum . Sed cum historia sit rerum omnium difficillima , tantum in ea imitandi industria , & bonitate quadam naturæ consequutus est , ut omnibus mea sententia , qui post eum fuerunt , facile præstiterit . Et quamquam in toto genere minus plerunque lectis verbis utatur ; ita tamen ejus oratio multis litteris , ac quibusdam sententiarum luminibus expolitur , ut vitium potius corrupte loquendi ætati illi tribuas , quam ei scribendi laudem ademeris . Et ego video hunc nondum satis esse limatum , nec delicatori fastidio tolerabilem . Atqui ! Dialogi Johannis Rennatis vix semel leguntur , & Coluccii Epistolæ , quæ tum in honore erant , non apparent , sed Boccaccii Genealogiam legimus , utilem illam quidem , sed non tamen cum Petrarchæ ingenio conferendam . At non

videtis quantum his omnibus desit? & cum in tanta asperitate versetur antiquitas, quantum splendorem Leonardus, quanta dicendi ornamenta attulerit. Num propter quædam inquinata, & obsoleta verba eum respuemus? *Alexander.* Sane quidem semper Leonardum, ut doctum hominem, ut eloquentem, ut illius ætatis principem laudavi; sed nosti morem nostrorum hominum, qui nihil nisi excultum, nisi elegans, nisi politum, nisi pictum probant. *Antonius.* Sit ita. Sed redeamus ad nostros. Leonardi igitur fere æqualis fuit ¹ GUARINUS VERONENSIS, doctus magister. Is in domestica, & umbratili quadam exercitatione multa scripsit prudenter, ac probe, & docuit multos. Hujus domus quasi officina quædam fuit bonarum artium. Nam cum illis temporibus diuturno, gravissimoque bello Italia flagraret, & is esset iterum stans, ut nemo fere adolescens non sibi potius gloriam bello, quam doctrina quærendam putarit, nunquam sunt ab eo instituendi, ac docendi studia intermissa. Erat referta domus nobilissimis adolescentibus, qui se in ejus disciplinam tradiderant: quotidie, & commentabantur, & declamabant, ac ita diligenter Græcis, Latinisque litteris erudiebantur, ut omnes fere illius ætatis, qui aliquam sunt scribendi laudem con-

se-

¹ Ab hoc insigni viro Græca, Latinaque litteræ obscuris illis temporibus, antiqui faculi normam, quadrataque structura ordinem. & diu quesitum decus receperunt. Hujus quoque immortali beneficio Strabonem ferme totum legimus, atque item aliquot Plutarchi Vitas in Latinum accurate conversas. (Jov. in Elog.) Multos item Guarinum docuisse testatur Pius Secundus de eo inquiens: Magister fere omnium, qui nostra ætate in humanitatis studio floruerunt (Comment. lib. 2.) multaque alia elucubrasse docet laudatus Author additionum ad Voss. in Ephemer. Lit. It. T. XII. annum inter alia ostendens ejus obitus, qui fuit 1460.

sequuti, se se omnino faterentur, ex hujus hominis umbraculis, tanquam ex ludo quodam honestissimarum artium profectos. Is igitur cum scribendo, tum docendo quæsivit sibi id nominis, quod etiam hac ætate omnium sermone, & fama celebratur. Genus tamen dicendi inconcinnum admodum est, ac salebrosum: utitur plerunque imprudens verbis poëticis, quod est maxime vitiosum; sed magis est in eo succus, quam color laudandus. Hunc Georgius Trapezuntius exagitat, ut præfractum, & puerilem in compositione. Memoria teneo, quendam familiarem meum solitum dicere: melius Guarinum famæ suæ consuluisse, si nihil unquam scripsisset; tam vehementem opinionem ejus doctrinæ esse in animis hominum insitam, ut non modo nomen ejus non illustretur scriptis, sed etiam in dies magis obscuretur. Ego vero non ita sese rem habere existimo, nec temere Guarino gravitatem quandam in scribendo, nec multarum rerum cognitionem adimo; sed tamen non omnia in eo probarim. Nunquam enim asperitas in dicendo laudatur. At laudandus est, ut qui multum nostris hominibus profuerit, & ut qui, si non perfectam eloquentiam (cujus speciem, quasi per caliginem quandam viderat) at aliquam in scribendo laudem sit consequutus. Iisdem temporibus fuit ¹ NICOLAUS NICCOLUS Patr. Flor. qui Florentiæ obiit an. 1436. ætatis suæ septuagesimo tertio, ut patet ex sepulcrali elogio in peristylio Ecclesiæ Sancti Spiritus, Latinas Græcasque literas amicorum ope non parum juvit. De quo sic Poggius in funebri Oratione in ejus obitu: *Qua in re vere possum dicere, omnes Libros fere, qui noviter tum ab aliis reperti sunt, tum a me ipso &c. Nicolai suasu, impulsu, cohortatione,*

LAUS

¹ NICOLAUS NICCOLUS Patr. Flor. qui Florentiæ obiit an. 1436. ætatis suæ septuagesimo tertio, ut patet ex sepulcrali elogio in peristylio Ecclesiæ Sancti Spiritus, Latinas Græcasque literas amicorum ope non parum juvit. De quo sic Poggius in funebri Oratione in ejus obitu: *Qua in re vere possum dicere, omnes Libros fere, qui noviter tum ab aliis reperti sunt, tum a me ipso &c. Nicolai suasu, impulsu, cohortatione,*

LAUS NICCOLUS, qui magnam gloriam adeptus est in colendis amicitiis doctissimorum hominum. Fuit, & ¹ NICOLAUS SAGUNTINUS Chalcidensis homo Græcis litteris, & Latinis eruditus. Erat in dicendo satis copiosus, sed parum vehemens, & in affectibus viro mollior, ut maxime in suo libello, quem de naufragio suo ad Bessarionem Nicenum scripsit, apparet. Et ² AURISPA Siculus sane doctus, & honoratus fuit. Eodemque in genere, & ³ CANDIDUS habebatur; sed avidior duritatis, quod orationis molestia insolentius uteretur. Tum etiam constat, NICOLAUM EUBOICUM memoria præstítit; sed istorum omnium fuit disciplina horrida, & agrestis, sine nitore eleganteris industriæ. Nondum erat tunc politior scribendi ratio importata. Atque horum ætati adjuncti sunt duo fere æquales, ⁴ PETRUS PAULUS VERGERIUS,

&

tione, & pene verborum molestia esse litteris latinis restitutos. Videre est Nicolai Testamentum ubi vocantur exequatores Viri omnes summa prudentia ac literis præditi, apud Cl. V. Salvinum Salvinium Canonicum Florentinum, qui plura ad hunc Dialogum spectantia humanissime suppeditavit.

¹ Hunc vocat paulo post NICOLAUM EUBOICUM. De eo Matthæus Palmerius in Chron. Nicolaus Euboicus Latina, & Græca Lingua, atque elegantia princeps laudatissimus habetur, qui frequenti Concilio medius afflens, multis, & eruditis viris audiens, &c. Æneas Sylvius in Cosmograph. cap. 54. Nicolaus Saguntinus utraque lingua disertissimus, ingenio facundiaque promptus illustre nomen adeptus est.

² JOHANNES AURISPA patriâ Netinus, plurium linguarum cognitione, carminibus prosaque oratione clarus, de quo luculenter Antoninus Mongitor in Biblioth. Sicula.

³ PETRUS CANDIDUS December e Viglebano Urbe, quæ est inter Padum, & Ticinum, Laurentii Vallæ testimonio exactissimæ censuræ Grammaticus, Mediolani Græce, Latineque docuit præstanti eruditionis, ac eloquentiæ fama. Anno 1477. octogenarius fato functus est. Huic litteras scribit Franciscus Philephus. Citatur hic Cortesii locus a Cl. Viro Apost. Zeno in addit. ad Voss. in Ephemer. literator. Ital. T. 12.

⁴ Discrepat judicium Johannis Matthæi Toscani, qui ait: Vergerii Justinopolitani Liber de ingenuis moribus, ac liberalibus studiis, præ cunctis ejus lucubrationibus probatur a doctis; est enim nitido, ac dilucido stylo conscriptus. At Arrianum inculto sermone vertisse de industria traditur. (Pepl. Ital.) Discrepat & illud Pauli Jovii ita de

Ver-

& ¹ SICO POLENTONUS ; uterque a puero doctus , sed alter ornatior , non tamen adeo cultus , ut sit hac eruditiori ætate tolerabilis . Libellus de Adolescentia , quem pueri legebamus , vix comparet , & bene olet (ut dicitur) quod nihil olet . Alterius sunt viginti ad filium Libri scripti de claris Scriptoribus , utiles admodum , qui jam fere ab omnibus legi sunt desiti . Est enim in judicando parum acer , nec servit aurium voluptati , quum tractat res ab aliis ante tractatas ; sed hoc ferendum . Illud certe molestum est , dum alienis verbis , sententiisque scripta infarcit , & explet sua ; ex quo nascitur maxime vitiosum scribendi genus , quum modo lenis , & candidus , modo durus , & asper appareat , & sic in toto genere , tanquam in unum agrum plura inter se inimicissima sparsa semina . Inter horum ætates interjectus est ² MAPHEUS VEGIUS , qui tum Poëta numerabatur , ingeniosus ille

Vergerio ejusque Libello loquentis : *Latine autem scribendi singularis eo saculo facultas enituit , uti apparet ex eo libello , qui de educandis liberis ad exactam disciplinam per amœne , atque prudenter scriptus , me puero in scholis legebatur . Editus est Brixie 1485.*

¹ Melius forsan XICCO . Patavii enim in Divi Joannis in Viridario , ut refert Scardeonius Lib . 2. Class . 8. erectum nobile monumentum Modesto Polentono Equiti insigni , & Jurisconsulto excellentissimo Xicconis Polentoni eximii Oratoris filio . De hoc nomine audiendus Jo: Gerardus Vossius , rem ita expendens . Verum autem nomen Xicco esse indicat manuscriptus Carrariensem codex , &c. in quo Instrumentum publicum legitur , quod nomine Domini Francisci junioris de Carraria confecit . Hic Civis Patavinus , & Reipublicæ ejusdem Scriba fuit . Reliquit volumen magnum De illustribus Scriptoribus Latinis .

² Vide Paulum Jovium in Elog. ita de MAPHEO VEGIO Laudensi differentem . *Qui beroico spiritu Maronem feliciter amulatus , quum Æneidem addito libro supplevisset , omnes fere a mille annis illustres Poëtas , nec excepto quidem Petrarcha laureato , præclarus cum laude superavit . Sed gravioris quoque doctrina , & summa prudentia opinione , Martini Pontificis amicitiam consequutus , in conferendis Sacerdotiis supplicium libellorum officio præfuit , ita ut mox Eugenio , & Nicolao carissimus fuerit . Ejusdem Supplementum Æneidos Pub. Virgilii impressum fuit Venetiis 1485. Librum vero de significatione verborum in jure civili , aliumque de educatione liberorum , Vicentiae , ac Mediolani impressos fuisse monet Orlandus de Orig. Typogr. Ceterum Vegius obiit an. 1457.*

ille quidem, sed aliquanto turgidior, necdum satis politus, quanquam ætatis illius istud fuit vitium. *Alexander.* Audax iste quidem fuisse videtur, & animi maximi; utinam majoris facultatis, qui Maroni voluerit vicarius succedere. *Antonius.* Scitum est illud Poëtarum, neminem meliorem quam se putare, & sua cuique placere. Nam quum Poëta vi naturæ inflammetur, nunquam desperat, quod optimum est; & propterea multos decipit illa P. Maronis blanda sui conciliatrix Musa, quum dulci tantummodo sono deliniti reconditum artificium non agnoscant. Sed ut ad rem redeam, ejusdem etiam ætatis fuit ¹ *AMBROSIUS* Monachus Græcis litteris doctus. Scribebat facile, & naturalem quendam dicendi cursum habebat oratio, sed admodum incultum. Erat in hoc homine inexhaustus quidam legendi amor; nullum enim patiebatur esse vacuum tempus. Quotidie, aut scribebat, aut aliquid ex Græcis, Latinis litteris mandabat. Plura tamen orsus est, quam absolverit. Nemo certe plus studii, quam ille ad eruendos ex adyto prisorum libros adhibuit.

C Ca-

¹ Paulus Jovius: *AMBROSIUS* Monachus ex Ordine Camaldulensium, qui supra Florentiam in opacis Apennini jugis dicatam cœnobio vitam severè ducunt, doctrinæ gravitate, ac ingenii præstantia aquales suos antecessit. Grace enim, atque Latine doctissimus, complectente Cosmo, & mox Eugenio, & Nicolao admirantibus, summum ejus Ordinis honorem, qui Generalis Praefectura hodie dicitur, ita adeptus est, ut eum constanti judicio Patres purpura destinarent. Dionysium enim Areopagitam de cœlesti hierarchia, divino Spiritu proloquentem singulari eloquentia puritate Latinis expreßerat, atque item Diogenem Laërtium, verum non eadem cura perpolitum. Sed & sacrī operibus Bibliothecam, qua ad Angelos spectatur, cumulate refercit: quibus existimari potest, nequaquam ei vires, & facultates, sed animum omnino defuisse, ut ad Romane facundia fastigium perveniret; abstractus enim in altitudinem Christianæ contemplationis, uti pium sacratumque Virum decebat, totius vita ocium in divinis literis consumpsit. Vide Gaddium de Scriptor. non Eccl. T. I.

Carus hic fuit Cosmo Medici; nam semper magnus ille Vir secum habuit palam doctos homines, quorum in congressu, & sermone, quum esset publicis muneribus vacuus, tanquam in jucundo quodam animi laxamento requiescebat. *Alexander.* Mea quidem sententia est Principes illius ætatis multum summis ingenii profuisse. *Paulus.* Est ut dicis; aluntur profecto præmiis hæc studia, & quasi in Principum sinu pubescunt. Sed persequere, Antoni, ut cœperas. *Antonius.* Tum etiam eo genere numerabatur ¹ LEONARDUS JUSTINIANUS, homo per se magnus, &, ut apparet ex Orationibus, non indiferens. Exstat ejus quædam funebris laudatio, bona illa quidem, sed non satis splendida verbis, & quæ magis copiam quandam, quam oratorium artificium præferat. Nam hæc ætas ponebat eloquentiam in orationis quadam abundantia, nec plane cognovit quid esset satis; quum magnam se quisque in dicendo laudem adeptum putaret, si multa acervatim complexus fuisset. Quod genus scribendi spretum est, ac repulsum ab acrioribus ingenii: quoniam omnis oratio ita & verborum, & sententiarum ornamenti componenda est, ut non intemperanter excurrat, sed sit ei suorum finium quidam circum-

scri-

¹ Jo: Gerardus Vossius de Histor. Lat. hæc habet: *Anno 1430. magno in pretio erat LEONARDUS JUSTINIANUS Patricius Venetus, & Eques aureatus Leonardus Justiniani clarissimi Oratoris non filius quidem, ut Philippus Bergomas tradidit, sed ut bene apud Volaterranum est, nepos. Non semel eum laudat in Conviviorum Libris Philippus. Idem præterquamquod orationem funebrem in Carolum Zenum edidit, scripsit, vel potius velut Paraphrastes ex Scripturibus Gracis consarcinavit Vitam S. Nicolai. Vide plura apud Cl. Virum Apostolum Zenum in Ephem. Litter. Ital. T.IX.*

scriptus locus. Horum æqualis fuit ¹ CAROLUS ARRETINUS illis etiam temporibus honoratus. Paucis admodum scripsit, quæ nescio quo pacto jam exaruerunt, vel potius non apparent. Et ² JOHANNES etiam TORTELIUS Arretinus scriptor fuit sane probabilis. Coniectissime is vixit cum ³ NICOLAUS V. Pont. Max. nam ipsum etiam Nicolaum doctum hominem ferunt, & non infantem fuisse; in quo magnum documentum fortunæ fuit, quam celeriter extollat quem semel complexa sit. Is enim biennii spatio gradibus ascendens, summam est adeptus orbis terræ dignitatem; idque eo contigit honorificentius, quo nemo esset, qui illum eo honore non dignum arbitraretur; & merito id quidem,

C 2 quan-

¹ CAROLUS nempe ex Familia de MARSUPPINIS. Æneas Silv. in Hist. Europæ hæc habet: *Commendanda est multis in rebus Florentinorum prudentia, tum maxime quod in legendis Cancellariis, non Juris scientiam, ut plerique Civitates, sed Oratorians spectant, & quæ vocant Humanitatis studia; norunt enim recte scribendi, dicendique artem, non Bartolum, aut Innocentium, sed Tullium, Quintilianumque tradere. Nos tres ex ea Urbe cognovimus, Gracis, & Latinis conditorum Operum fama illustres, qui Cancellarium alius post alium tenuere; Leonardum, & Carolum Arretinos, & Poggium ejusdem Reipublicæ Civem, qui Secretarius Apostolicus tribus quondam Romanis Pontificibus dictarat Epistolas. Flavius vero Blondus in Ital. illustr. Per statem quoque nostram eloquentissimo, & clarissimo Leonardo Arretino, Caroloque Gracis, & Latinis litteris eruditissimo, nunc populi Florentini Cancellario, &c. Urbs Arretina decorata est. Obiit an. 1453. & a Matthæo Palmerio Viro disertissimo laurea coronatur. Vide, sœpe laudatum Virum Apostolum Zenum in Ephemer. Litter. Ital. T. X.*

² De JOHANNE TORTELIO Arretii nato Archipresbytero Arretino, ac Domini Papa Subdiacono, ut in quibusdam monumentis laudatissimæ Bibliothecæ Stroziæ legitur, memoriae proditum est, quod eum Valla omnium Grammaticorum hostis mire dilexit, & tanquam sumnum sibi censem de legit, suoque encomio ornavit, ut Graece Latineque apprime eruditum, quibus artibus in intiam se Nicolai Pontificis insinuavit familiaritatem. Vide Jo: Matt. Tosc. in Peplo Ital. & Paul. Jov. in Elog. Doctor. Viror. ac plura si libet in sœpedictis additionibus Cl. Zeni ad Vossium de Histor. Lat. in Ephemer. Litter. Ital. T. XI. ubi Tortelii vitam annum non excessisse 1456. invenies.

³ De NICOLAO QUINTO Sum. Pont. qui antea Thomas Sarzanensis appellatus est, viro litterarum, litteratorumque amantissimo, vide Platinam, Ciacconium, Jannotium Manettum in ejus Vita, & alios, inter quos Bussieres in Floscul. Historiar. Decessit an. 1455.

quando, & multa egit in vita præclare, & ab eo sunt docti homines & opibus aucti, & honoribus. Sed temporibus iisdem magnum vulnus res Latinæ ex direptione Byzantii pulcherrimæ, atque florentissimæ urbis acceperunt. Emerserat e patriis regnis Maumethes spe potiundæ Græciæ inflammatus, sibiique persuaserat fore homo scientissimus rerum bellicarum, ac felix, si occupato Byzantio facultas daretur ad Græciam opprimendam. Nec enim eum sefellit opinio: nam capta, atque direpta urbe, facillime reliquus cursus patuit. Sed malo in tali re silere, quam veteres calamitates deplorando augere dolorem nostrum. Hoc tamen dicam, quod ad rem pertinet; magnum damnum excidio Græciæ latinas litteras fecisse, quum a Græcis multa in Italiam importarentur, & nostri item studiorum causa Byzantium tanquam ad domum quamdam doctrinæ proficiscerentur. *Alexander.* Sine ista, Antoni, nec enim unquam Latinis rebus, ut dicis, calamitosior dies illuxit, nec tetrior; sed existimare debes plures post importunam illam cladem in Italiam confluxisse, quam unquam antea. Sed ista omitramus. *Antonius.* Tum multum eloquentiæ habuisse dicitur FRANCISCUS BARBARUS, cuius de ingenio, doctrinaque ex eo libro, quem de re uxoria scripsit, existimari potest. Hujus gloriam illustrioribus litteris, & gravioribus artibus cumulavit ¹ HER-

MO-

¹ FRANCISCI superioris nepos HERMOLAUS, Patriarcha Aquilejensis electus, qui immatura ætate obiit an. 1493. Vir omnium disciplinarum peritissimus nuncupatur a Ni-

DE HOMINIBUS DOCTIS. 21

MOLAUS Nepos. Sed multum duo doctrina præstiterunt : ¹ JANNOTIUS MANETTUS , & ² BAPTISTA ALBERTUS : quorum alter unus omnium doctissimus putabatur ; alter etiam in Architectura disertus fuit . Sed in Jannotio admirabile quoddam studium omnium doctrinarum fuit ; sed nescio quo pacto sit hujus summi viri , quam aliorum paullo ante dictorum nomen obscurius . Ex quo profecto intelligi potest , plus valere ad famam , & celebritatem nominis unius simplicis generis virtutem absolutam , quam multa annexa genera virtutum non perfectarum . Tum etiam ex eo genere numerabatur ³ PALLAS STROZA , quem

a Nicolao Leoniceno in Epist. ad Angelum Politianum . *Omnium e sua civitate , qui ante illum nati essent , Latinorum , & Græcorum litteris doctissimus* , a Petro Bembo . De eo Jovius in Elog. Jo: Matthæus Toscani in Peplo It. ac Paulus noster de Cardinalatu Lib. 2. pag. 60.

¹ JANNOTIUS Eques MANETTUS , Patricius Florentinus tribus Summis Pontificibus a Secretis , a Naldo Naldo , Poggio , aliisque multis laudatur . Hunc Eugenius IV. Pontifex modo appellabat *Virum dignum supra omnes Reipublicæ Florentina* , modo *Republ. Romana dignum* . Vixit Alphonso , Ferdinandoque Siciliæ Regibus charus , obiitque Neapol. an. 1459. ætatis suæ 64. Vide Cl. Zenus in Ephem. Litt. It. T. XI. ubi plurima Manetti Opera numerantur . Ejus Vitam Cl. Vir Ludovicus Antonius Muratorius nuper edidit inter Rerum Italicar. Scriptor.

² Simile huic judicium est Francisci Bocchii , qui quum narret una cum Paolo Jovio , atque Jo: Matthæo Toscanio , LEONEM BAPTISTAM in pictura scripsisse de recessibus , & umbris , reliquise Apologorum urbanæ gravitatis libellum , quo vel Æsopum inventionis amoenitate superasse , de vita Civili Libros non sine laude elucubrasse , demum in doctrinis humanioribus eruditissimum evasisse ; subdit : *Declarant Libri decem , quos de Architectura scripsit , qui vir , & quantus esset , &c. Nihil enim venuste , nihil commode moliri , aut fabricari atas superior solita erat , cum Leo Albertus res multas , easque præclaras suo ex ingenio depromsisset ; & ut posset unusquisque ad suum commodum explicare , declaravit eis in libris tam docte , tam industrie , ut a viris peritissimis Vitruvius sit Florentinus appellatus . Hic Florentiae familia Albertâ nobilissima ortus est . Testatur Paulus Jovius Leonis Baptista Politianum audita ejus morte nobile encomium cecinisse ; quemadmodum fecerunt Janus Vitalis , Latomus , aliquique ; encomium fortasse illud est , quo Politianus epistolam incipit Laurentio Medici . quæ inter illustrium Virorum Epistolas ab Angelo Politiano collectas septima est Libri Decimi .*

³ Hic ex nobilissima familia STROZIA Eques aureatus , varia opuscula edidit , ut testes gravissimi ferunt , præsertim in suis Epistolis Franciscus Philephus , qui eum

quem cum natura, tum studio doctrinæ sapientem ferunt. Excelluit enim is unus in omni genere virtutis. Nemo domi comior fuit, nemo jucundior. Nemo foris constantior, nec gravior, nec fortior. Nec longo intervallo aberat ¹ BENEDICTUS ARRETTINUS, qui bellum Asiaticum magnum, atque difficile diligentissime prosequutus est; attulitque lumen rebus involutis: nam illis temporibus in ² POGGIO FLORENTINO quædam species eloquentiæ apparuit; in quo si tale artificium fuisset, quale ingenium ad scribendum fuit, omnes profecto ejus æquales dicendi gloria vicisset. Is Orationes reliquit, quæ & facundiam, & mirificam ingenii facilitatem ostendunt. Tendebat toto animo, & quotidiano quodam usu

eum etiam post mortem disertissima Oratione (quem MS. superesse ajunt) parentavit Patavii, ubi Pallas nonagenarius decessit an. 1462.

¹ De BENEDICTO ACCOLTI Arretino J. C. ac Reipublicæ Florentinæ a Secretis loquuntur Jo: Ger. Vossius de Historicis Latinis, Oldoinus in Ath. Rom. Gaddius de Scriptorib. non Eccles. Fusius vero Cl. Zenus Tom. XI. Ephemeridum sæpe citat. qui inter alia annum ejus obitūs nempe 1466. ætatis autem 51. ostendit. Dialogum Arretinus lucubravit, in quo quæritur, an præstantiores in litteris es- sent veteres, quam recentiores homines; qui non multis ab hinc annis formis excusus est. Scripsit de Bello Christianorum contra barbaros Libros quinque, de quibus Cortesius ait: *Bellum Asiaticum magnum, atque difficile, diligentissime prosequutus est;* quibus etiam tanquam argumento nobilissimi Poëmatis, vulgo *il Goffredo*, Torqua- tus Tassus usus est.

² Nec dissimile est illud Henrici Bebelii; qui de POGGIO ait: *copia, venustate, facilitate naturali, & sponte nascenti eloquentia jucunditate in affectata longissimè præcelerè Vallæ Poggium non est ambiguum* (in litt. ad Leonardum Dunum an. 1513. Tubingæ scriptis) Judicium Erasmi in Ciceroniano tale est: *Poggius Florentinus vivida cujusdam eloquentiæ vir, &c. naturæ satis erat, artis, & eruditio non ita multum.* Paulus vero Jovius: *Poggius e Terranova Florentina ditionis oppido, in hac luce Romani cœli optimis litteris ingenium ita expolivit, ut Pontificiis scriniis præficeretur; equatus scilicet honore summis viris, qui in eo munere fidelis, eruditique ingenii operam præstitterent.* Natus est an. 1380. obiit 1459. Vide ejus Vitam a Cl. Viro Jo: Baptista Recanato Patricio Veneto luculenter descriptam. Poggii ingeniosam in dicendo facilitatem memorat Cortesius alibi.

usu ad effingendum M. Tullium. Sed habet hoc dilucida illa divini hominis in dicendo copia, ut estimanti se imitabilem præbeat, experienti spem imitationis eripiat. Eam igitur dicendi laudem Poggius si non facultate, at certe voluntate complebat; scripsit etiam Historiam. Sed est magnum munus historia; &, ut paulo ante dixi, omnium rerum difficillimum. *Alexander.* Ego vero sæpe soleo mirari, quid sit, quod cum Historia tot, tantarumque rerum dissimilitudinem complebat; nulla præcepta in prisorum artibus tradantur, quæ quomodo scribendum, quid servandum sit in Historia doceant. Nam, ut omittam studia disciplinarum maximarum, omnium artium opifices habent sua præcepta. Architectus ab his non discedit; Musici etiam his erudiuntur, quando vocum mutationes facere debeant, quando scilicet cantus aut inflexam, aut gravem, aut acutam vocem postulet. Alii in lineis, alii in mensuris, alii ad singendum, alii ad pingendum certis præceptis utuntur; ex quo intelligitur nihil magnum fieri posse sine quadam artis ratione: Historiam autem, tam arduum, tam difficile opus nihil habere præceptorum, non desino hercle satis mirari. *Paulus.* Ego quoque ista, quæ dicas, Alexander, mirabar, & sane angebar intimis sensibus, quod a nostris hominibus Historiæ præcepta ignorarentur; nam priscos illos, ut ex eorum Historiis apparet, præclare intelligebam hujus artis præcepta tenuisse; nostros autem his instrumentis

omni-

omnino carere, atque eosdem in hoc præsertim scribendi genere nihil admodum laudis consequi posse, nisi quando temere, aut casu. *Antonius.* Video, plerisque visum esse Historiam sine illis ornamentis oratoriis scribi oportere, quod tollerent veritatem, & fidem; multum referre non esse mendacem: ego vero ut opinionem istorum non libenter laudarim, ita certe non repudiaverim. Et profecto magni interest, ubi tantummodo rerum gestarum veritas quæritur, mendacem, & fabulosum putari. Sed tamen quid attinet vere scribere, si omnia obscure perturbaveris? Ac mihi quidem hujus rei principium cogitanti, ad delectionem, & utilitatem adinventa Historia videri solet, quæ omnino rebus, & verbis continetur. Res, ut prosint, spatia, & temporum ordinem desiderant. Verba vero nunquam voluptati inservient, nisi concinnitatem retineant. Repudianda erit igitur horum opinio, & adhibendum artificium quoddam, ut prodesse pariter, & delectare possimus. Sed nescio quo pacto ad hæc delapsi sumus, cum id vos initio minime requireretis. *Paulus.* Immo ista requisivimus, Antoni, & sunt sane necessaria. *Alexander.* Mihi vero ista jucunda fuerunt; & utinam tibi, Antoni, cumulatius ista augere licuisset: sed dabitur fortasse aliquando commodius tempus hujus muneris amplificandi. Nunc ad institutum sermonem revertere. *Antonius.* Belle exigis a me, Alexander, tam magnum locum, & tantum hercle de me polliceris, ut si hoc vobis

ne-

negarim, non tam laborem me judicis refugisse, quam vestræ voluntati obsequi noluisse arbitremini. *Alexander.* Atque nihil a te postulatur, nisi tuo commodo. *Antonius.* Jocaris etiam mecum, Alexander, & ego quoque in hoc admodum delector, & si no adulari, ac irrideri me interdum ab amicis. *Alexander.* Non est ita, Antoni; scitum est enim nihil esse in amicitia perniciosius adulazione, & blanditiis. *Antonius.* Quid ergo? Credisne, me modo ea ausurum dicere, quæ sint a priscis illis virtutis relictæ? *Alexander.* Ego vero ex te istud non requisiui, ut omnes leges, quæ sunt in Historia servandæ, quasi in schola quondam explicares: sed si quod daretur vacuum tempus, postulabam, ut inter nos hoc munus attingeremus. *Paulus.* Quin tu, Alexander, omittis ista, quæ præparatum ocium postulant. Tu vero, Antoni, perge quo cœpisti: neque enim impediendus est interpellatione jam suscepitus sermo. *Antonius.* His igitur florescentibus proximus accedebat ¹ GEORGIUS TRAPEZUNTIUS, bonus sane Rhetor, qui aliquot annos populo Romano utilissimam operam præbuit, & docuit cum

D mul-

¹ Is Gracorum fere primus Roma eo tum sacculo renascentibus litteris, qui Graecæ feliciore stilo in Latinum verterit existimatus est, uti liquidissime constat ex Aristotele, sacrisque Eusebii Casariensis operibus, & ex rhetoricis præceptis Hermogenis. Erat enim ingenio ad lucubrandum maxime valido, vehementique, sed, uti mox apparuit, tetrici livoris plenus; nam quum se Peripateticum profiteretur, unumque Aristotelem extollendo celebraret, usque adeo superba aure fuit, ut nec divini quidem Platonis ingenium laudari pateretur, cuius etiam dogmata, & mores peracerbe, ac insolenter edito famoso volumine laceraret. Hæc ab Jovio; at Erasmus in Ciceroniano TRAPEZUNTIUM vocat Virum egregie doctum, deque re litteraria pulchre meritum. M. Antonius Sabellicus Trapezuntium Bessarioni in dicendi facultate prætulit. Patria fuit Cretensis, sub Nicolao V. Scriba Pontificius. Obiit Romæ prope an. 1484.

multos, tum etiam multa scripsit de artificio dicendi; & adhibuit in scribendo illa adjumenta, quæ habuerat a Peripateticis, qui præter ceteros Philosophos rationem dicendi latioribus quibusdam præceptis complectuntur: qui mos erudiendæ juventutis retentus est a ¹ POMPONIO nostro: vir enim per se magnus incredibilia studia ad eloquentiam limatioremque elegantiam convertit. Eodem tempore ² ANTONIUS LUSCUS fuit Rhetor quoque non contemnendus, quem etiam non indisertum dicunt fuisse; nam ³ VICTORINUS FELTRENSIS, is quoque per tot annos toti Galliæ Transpadanæ tradidit præcepta dicendi, iisdem fere laudibus cumulatus fuit: nec verò ⁴ GASPARINUM VERONENSEM prætereundum puto. Erat is diligentissimus, ac prope perfectus Grammaticus; sed ipso Orationis genere exilis, & tristis, nimia enim cura attenuabat orationem.

Et

¹ JULIUM POMPONIUM LÆTUM Sanseverina illustri familia in Picentinis natum ferunt, qui floruit Pauli Secundi temporibus. De eo Vide Jo: Matth. Tosc. in Peplio Ital. atque Ludovicum Vives, qui ubi de conscribendis epist. ait: *Romana puritatis (Pomponius) adeo studiosus, ut nec Græce quidem scire voluerit, ne quid alienum sonaret, aut admiseret Lingua illi; ita & verba habet electa, & dictiōnēm satīs castigatam.*

² In Archivo Gen. Flor. per Rog. Ser Agnoli Pieri Thomæ de Terranova, legitur Anno 1429. 27. Octobris Dominus ANTONIUS olim Domini Ludovici de LUSCHIS de Vicentia Secretarius Summi Pontificis facit suum procuratorem nobilem, & discretum Virum Antonium Dominici Buonafè. Memoratur a Fr. Philepho, qui illi epistolās scribit.

³ VICTORINO FELTRENSI Magistro usum fuisse ferunt inter alios Theodorum Gazam, usque adeo eum copiose, & diligenter latinas litteras didicisse, ut longe omnium latinissime scribebat. Victorinus veluti D. Antonino Florentino Archiepiscopo par virtute, ac pietate laudatur a Francisco Castilianensi Ecclesiæ S. Laurentii Canonico, ut refert Gaddius de Scriptorib. non Ecclesiast. T. I. pag. 9.

⁴ De GASPARINO Pergamensi dictum facili negotio putarem, utpote qui Epistolarum Cynicarum Opus edidit Paris. circa an. 1470. per Ulricum Gering, & soc. in Domo Sorbonæ, postea vero recusum Basileæ 1489. de quo vide Peregrinum Antonium Orlandi de Artis Typographicæ progressibus.

Et ¹ OMNIBONI quoque LEONICENI in docendo cognita industria est. Erat in scribendo satis amplus, sed parum nitens, aut exultus: nullus candor est Latini sermonis, neque flos ullus, quem in oratione requirimus. Horum ætatibus adjunctus est ² LAURENTIUS VALLA scriptor egregie doctus, sed erat acer, & maledicus, & toto genere paullo asperior; diligentissimus tamen Romanarum rerum, atque verborum investigator. Molestus erat, & stomachosus; nihil admodum alienum laudabat; sua vero cum diligentia, tum acri quodam judicio expendebat. Limatior hic fortasse quam cæteri, nihilo tamen candidior fuit. Floruit hujus domus aliquandiu, & quasi ludus quidam fuit civium Romanorum. Verum postea is vel odio servitutis, vel desperatione quadam dignitatum adipiscendarum ab urbe Neapolin ad Alphonsum Aragonum Regem est profectus, ubi aliquot annis fuit magna cum gloria ingenii, & famæ; nam Alphonsus ipse ad summas,

D 2

in-

¹ OMNIBONUS LEONICENUS inter illustres Johannis Ravennatis Discipulos numeratur a Flavio Blondo Ital. illust. Lib. IV.

² VALLA Patricius Romanus, & Canonicus S. Johannis Laterani a Gothicis temporibus (inquit Jovius) usque ad patrum nostrorum memoriam præalto sepultos somno cives suos ad nobilium litterarum studium excitavit. Iudicatus enim tamdiu corrumpi faculum leguleorum, & sophistarum immani conspiratione, optimasque artes inculta sermonis barbarie defœdari, elegantiarum Libros edidit, traditis Romana eloctrionis præceptis ex accurata veterum scriptorum observatione, &c. Extant invectivarum, & recriminationum aliquot Libri, erudite falseque perscripti; quibus dum laeti nominis famam tueretur, Facium Ligurem, Panormitam, Poggium, & Raudensem jugulasse videri potest. Flagellatis quoque regionum ludimagiistris, uti multa bile redundans, quod nihil in aula Pontificis sibi placeret, Neapolim ad Alphonsum Regem se contulit. Ibi tres Libros scripsit de rebus Ferdinandi Regis Aragoniae ejusdem Alphoni patris. Vide Trithemium, Toscanum, aliosque. Obiit Romæ quinquagenerius anno Christianæ salutis 1457. Ceterum Cortesii judicium de Valla probatur in additionibus ad Vossium T. XI. Ephem. Litterat. Ital. pag. 318.

incredibilesque ejus virtutes adjecerat etiam hanc laudem, ut non solum hominibus doctis familiarissime uteretur, sed etiam haberet in convictu. *Alexander.* Quid ergo est causæ, si tam diligenter Valla de ratione verborum Latinorum scripserit, ipse non bene satis loqui Latine videatur, cuius ingenii acumen constare inter omnes audio Italiā admiratam esse? *Antonius.* Non est enim, Alexander, eadem ratio scribendi, quæ præcipiendi.¹ Conabatur Valla vim verborum exprimere, & quasi vias, sed eas non rectas tradebat ad structuram orationis; in quo tamen, & inquinatam dicendi consuetudinem emendavit, & multum adjuvit juventutem. Sed est certe alia scribendi ratio, quæ a Valla, aut prætermissa est, aut ignorata. Florens enim ille, & suavis, & incorruptus Latinus sermo postulat sane conglutinationem, & comprehensionem quandam verborum, quibus conficitur ipsa concinnitas ad sonum. Sed de his alio loco commodius inter nos, si vobis placebit, disputabimus. Potest enim aliud vobis, ac mihi videri. Nunc ad reliquos pergamus. *Alexander.* Nobis vero nihil poterit esse jucundius. *Antonius.* In aliquo igitur numero fuit² ANTONIUS PANORMITA, homo doctus, & Juris bene

¹ Hic locus citatur, ac probatur a sœpe laudato Viro Apostolo Zeno T. XI. Ephemeridum Litteratorum Ital. pag. 315.

² Judicium Jo: Matthæi Toscani de ANTONIO PANORMITA Siculo, Bononia equestri familia nato, est, eum fuisse sua tempestate omnium clarissimum, ejusque carmina ceteraque opera doctorum manibus teri. (Pepl. It.) De eo testatur Jovius, quod quum esset moribus, ac litteris præstantibus exornatus, quum Philippo Mediolanensem Principi fertilis ingenii industriam obtulisset, tanta liberalitate suscepitus est,

DE HOMINIBUS DOCTIS. 29

bene peritus. Diligenter etiam satis loquutus est, & ut esset paullo politior, elegantiam sermonis Plautinam volebat imitari, sed ab eo aberat illa orationis integritas, ac sententiosa concinnitas: itaque sunt Epistolæ ejus languidiores. Fuit tamen perargutus Poëta, & illis temporibus non contemptus; nam is primus versus ad mensuram quandam, numerosumque sonum revocavit; antea enim fractis, concisisque numeris parum admodum versus a plebeii rhythmis differebant; quamquam ejus fere tota Poësis est obscena. Sed polite, & eleganter problemata Plutarchi ¹ Jo: PETRUS Lucensis Latinis litteris mandavit. Tum etiam Latine Lucianum explicaverunt ² RINUCCIO, & ³ CHRISTOPHORUS Romanus. Atque ego in ipsis, atque in aliis, quos enumera vimus, intelligo homines libentius ad interpretum munera esse conversos. Sed nos tamen colligimus omnes, ut appareat quam multi scribendi cupiditate flagrarent. *Alexander.* Cur nam erat istud quæso? *Antonius.* Quia veluti tum nascentibus literis

ut Principem noscenda historia cupidum, familiariter doceret, & publice oclingentis annuis aureis elegantiores litteras profiteretur. Scriptis epistolas candidiore stilo, sed maxime jucundo. Obiit diem suum Neapoli an. 1471. Luculenter de Panormita Cl. Zenus addit. d. T. XIV.

¹ Num PETRUS NUCETUS Lucensis, a Francisco Robortello *Vir doctissimus*, & nobilissimus appellatus? Vide Robortelli Adnotationum in varia loca Librum 2. ubi ita de Nuceto: *Profebat ille Græcas, & Latinas litteras, publiceque interpretabatur Luca, quo tempore florebat Florentia Politianus (a quales enim ferme fuerunt) summa cum laude in Gymnasio, &c.*

² De RINUCCIO plura inter Ephemer. Litteratorum Italiæ Tom. XXI. pag. 392. Hunc alii Florentinum dicunt, alii Castilionensem nescio an nomine, vel patria, sed Thessalum nuncupare debemus.

³ CHRISTOPHORUS PERSONA, Romæ inter D. Balbinæ flamines in Aventini Montis Cœnobio Prior, obiit 1486: de quo vide Jovium in Elog. Nunquam vero compertum mihi est Rinuccium, ac Personam Lucianum explicavisse.

teris sibi ipsi diffiderant; & erant tanquam anniculi infantes, qui non nisi in curriculo, aut præente duce inambulant. Itaque cum esset facilius illud vertendi munus, bene de posteris suis mereri videbantur, si tam multa adjumenta ingeniis suppeditarent. Sed ecce multi uno tempore fuerunt, ¹ LEONARDUS DATUS, ² BARTHOLOMÆUS FACCIOUS, ³ LAPUS FLORENTINUS, ⁴ PETRUS MONTOPOLITA. Quanquam ex iis alias alio plus habuit, vel ingeni, vel industriæ; omnes tamen ad amplitudinem nominis pervenerunt. Ex his Faccius Commentarios scripsit rerum ab Alphonso Rege gestarum. Tum etiam ⁵ GREGORIUM TIPHERNATEM Poëtam, & doctum, atque diligentem hominem in dicendo constat fuisse. Hujus auditor fuit ⁶ GEORGIUS MERULA,

quia

¹ LEONARDUS DATUS Canon. Flor. & Seqr. Apostolicus floruit prope an. 1466. in quo a Matthæo Palmerio mittuntur ei Libri Civitatis Vitæ, ut patet ex Epistola nuncupatoria ejusdem. Anno vero sequenti Episcopus Massæ creatus est. Confunditur a nonnullis cum Leonardo Dato Magist. Gen. Ord. Prædicatorum, qui obiit an. 1425.

² Memoratur BARTHOLOMÆUS a Jo: Matth. Toscani tanquam Vallæ, cuius temporibus floruit, perpetuus hostis, in quem & Orationes scripsit. V. Pepl. Ital. At Jovius: *Huni spedia intimum Lunensi in portu Liguria oppidum protulit, utriusque Lingue peritia insignem.* Obiisse creditur circa annum 1460. Vide quæ Jac. Gadd. de Script. non Eccles. T. I. quæque Cl. Vir Apostolus Zenus in Ephemer. Litter. It. T. IX. eruditissime differit.

³ LAPUS nempe a CASTILIONCHIO appellatus, quem alterius Lapi clarissimi fuisse nepotem author est Franciscus Bocchius inquiens: *Fuit præterea alter Lapis, Averardi filius, Lapi superioris nepos, miro ingenio præditus, litterisque nobilibus ornatus. Hic doctrinam multiplicis generis edocetus, cum Linguam Græcam, & Latinam egregie didicisset, ex Plutarchi Græca Lingua XII. Vitas virorum clarissimorum in Latinam Linguam multo labore, multaque industria convertit.* Vide Franciscum Philelphum in Epistolis.

⁴ PETRUS patria Montopolitanus in Sabinis claruit Romæ Orator celebris, ac Poëta temporibus Pomponii Læti.

⁵ Hujus doctissimi Viri munere reliquam Strabonis partem, quam Guarinus non attigerat, in Latinum splendide traductam legimus. Jov.

⁶ Jov. in Elog. In GEORGIO MERULA ab aquis Statiellis, Alexandrino, ingenium subagreste, atque ideo ad tucubrationum labores maxime validum, nullisque obiter voulupta-

DE HOMINIBUS DOCTIS. 31

quia nobilitate floruit discipulorum. Et ¹ ANTONIUS TUDERTINUS non tam scribendo probabilis fuit, quam litteris Græcis eruditus. ² FLAVIUS enim BLONDUS sine Græcis litteris persequutus est Historiam diligenter sane, ac probe, eamque distinxit, & rerum varietate, & copia valde prudenter. Admonere enim reliquos videtur, ut majori artificio, ac illustrioribus litteris Historiam aggrediantur. In exco-
gitando tamen quid scribebat, omnibus his viris, qui fuerunt fere ejus æquales, meo quidem judicio præstítit. Iisdem etiam temporibus ³ FRANCISCUS

PHI-

luptatum illecebris lacesitum emicuit, passim florentibus Græcarum litterarum studiis, quarum felici societate antiqui decoris ornamenta Latina facultati tradebantur. Ob id varia eruditionis laude celebratus, quadraginta amplius annos cum Venetiis, tum Mediolani juventutem docuit; in alienos saepe Libros censuram exercens. Edidit etiam translationem Dionis de Trajani gestis: sed petenti Ludovico Sfortia Historiam perscripsit, Vicecomitum Principum origines, & bella continentem, sobrio quidem stilo, ac ex omni parte Latino, sed in quo lectores minus austeri per amena diverticula pas- sim requirant. Ceterum postremi ejus Historia Libri meo judicio jucundiores, aeternum dormituri, denegata luce in abditis scriniis jacent.

¹ Citatur hic locus in Ephemerid. Litterat. T. XV. pag. 321. Judicium de Tudertino, quod edidit præceptor ejus Fr. Philephus hoc est: *Lapus Florentinus, ut alias item nonnullas, quas Vitarum index ascribit ANTONIO TUDERTINO, qui, et si ipse quoque auditor fuit meus, erat tamen Lapo illo longe inferior & ingenio, & doctrina, & dicendi vi ac facilitate (in epist. quadam.)* Simile illud est Cardinalis Papiensis scribentis: *Antonius Tudertinus ita inepte plures traduxit (nempe Vitas ex Plutarco) ut nullas legere præstet, quam illas (in epist.)*

² Forolivii natus est BLONDUS Anno D. 1388. Eugenii IV. Pii II. aliorumque Romanorum Pontificum Secretarius fuit. Obiit Romæ 1463. Is magno ausu, singularique industria, nec infelici eventu multorum annorum intermorientes res gestas e tenebris excitare orsus, Decadas conscripsit, quibus ab inclinante Romano imperio funesta tempora, ac ideo veritatis lumine orbata in lucem proferuntur. Jovius in Elog. Historiographus insignis, ingenio excellens, eloquioque disertus vocatur a Trithemio. Ad honorem Blondi, ita Gerardus Vossius de Histor. Latinis, non parum pertinet quod scripta illius in Epithomen contrahere dignatus sit Pius Pontifex. Dictione est non admodum culta, ut etiam Volaterranus agnoscit, sed de antiquitate tamen, utcunque interdum a'iquid humani patiatur, sane pro etate, qua vixit, optime meretur. V. Ephemer. It. T. XII. ubi multa de Flavio Blondo.

³ PHILELPHUS Patria Tolentinas natus est anno 1398. Eques aureatus, & Poeta laureatus fuit. In Archivo enim Gen. Flor. (Rog. Ser Matthiae Cenni Ajuti) le-

PHILELPHUS non indisertus putabatur; ¹ habebat a natura ingenium vagum, multiplex, volubile. Exstant ab eo scripta & Poëmata, & Orationes, sed ut vita, sic erat in toto genere varius. Fuit is a puerō litteris Græcis bene doctus, & horum studiorum causa est ab eo tota pæne Græcia peragrata. Ex quo ² tanquam ex dotali hereditate legatas testamento Græcas litteras accepit: multumque etiam ei profuit Chrysolora ejus sacer. Sed erat vendibilis sane scriptor, & is, qui opes, quam scribendi laudem consequi malebat. Constat enim neminem Principum illis temporibus in Italia fuisse, quin adjerit, quin eum scriptis salutaverit, ut ex his pecuniam erueret. Sed ut ad quæstum diligens, sic erat

legitur: An. 1481. Famosissimus vir D. Franciscus Philelphus Miles, ac Poëta laureatus facit procuratorem Franciscum de Tolentino nepotem suum Cancellarium Ducalem, &c. Floridus Sabinus Apolog. in Calumniat. haec ait: Franciscus Philelphus multa scripsit ut Orator, & Poëta; de cuius Epistolis, Dialogis, & Orationibus, aliisque soluta orationis monumentis diversa sunt doctorum sententia. Plurimi enim judicium ei defuisse volunt: alii tumidum eum plenumque; alicubi exilem, persape aridum, jejunumque arbitrantur, licet sibi vel maxime placentem; doctus tamen fuit, & magna ausus. Author noster de Card. pag. 63. vocat Philelphum Poëtam, ut illa atate heroico sono, & dactylica exaggeratione grandem. Obiit An. 1481. sepultus in Aede D. Annunciatæ. Bartholomæus Fontius in Annal. suorum temporum MS. Biblioth. Riccardianæ: 1481. Franciscus Philelphus vir Grace Latineque doctissimus e Mediolano Florentiam accitus ut publice profiteretur astu, ac labore itineris confectus pridie Kal. Augusti Florentia moritur anno atatis quinto, & octogesimo. Cujus nos in vicem suffici sumus. Luculenter Ap. Zenus T. XIV. Ephem.

¹ Ad omne genus scripti sese accommodavit, ac ut de Vinicio dicit Augustus, ingenium in numerato habebat; Græca, Latina, Lyrica, Heroica, Profam orationem ex tempore dictitabat. Volaterran. in Anthropolog. l. 21.

² Hic Emmanuelis Chrysoloræ filiam uxorem duxit, quæ Græcae elocutionis magistra, quotidiano usu Atticorum accentuum, inepto, sed docili conjugis ori dulcedinem instillaret. Narrat Jo: Matthæus Toscani, hunc cum Timotheo Græculo quodam de syllabæ quantitate datis pignoribus aliquando contendisse, victoremque victo barbam ex pacto abstulisse; quamvis Timotheus eam pecunia redemptam cuperet, quod ab inexorabili adversario nequaquam impetravit.

DE HOMINIBUS DOCTIS. 33

erat in largitione effusus. Hujus Filios ¹ XENOPHONTEM, & ² MARIUM ingeniosos, & sane eruditos dicunt fuisse; quorum Marium tantam habuisse memoriam, quanta in viro cognosceretur. Horum majus omnino nomen exstaret, nisi pater præclusisset eis iter gloriæ. *Alexander.* Mihi vero ille (patrem dico) hoc facio sapiens videtur, qui ex litteris divitias quæsierit; propterea quod eloquentia quo major est, eo hominibus invisiō, ac suspēctior. *Antonius.* Sed quis vestrum ex majoribus natu multa de ³ PORCELLO non audivit? immo vero, quis ejus scripta non legit? Is sive doctrina homo ignotus, sive ingenio, ad summam nominis famam pervenerat. Ex quo intelligi potest quantum fuerit ex omni numero Poëtarum paucitas. Hexametri enim ejus, quos legimus, non illi quidem politi sunt, nec festivi, nec molles; grandes tamen, & graves imperitis videri solent: ab eruditioribus vero respuuntur, quod turgeant, & inflati sint, nihilque afferant præter æqualitatem. Caruit

E omni-

¹ XENOPHONTI PHILELPHO plures Epistolas mittit Franciscus pater, quæ inter ejusdem epistolæ leguntur.

² MARII PHILELPHI Francisci filii Epistolar. opus editum est Mediolani 1489. Venetiis inde 1492. Huic plures Epistolas Franciscus pater scribit, inter quas una exstat, dat. an. 1441. in qua Theodoræ Chrysolorinæ uxoris mortem filio nunciat.

³ PORCELLUS Poëta fuit, & Historicus Neapolitanus, qui floruit saeculo decimo quinto, ut patet ex Epistola a Francisco Philelpho ad eum missa an. 1456. Exstant ejusdem *Commentaria secundi anni de gestis Scipionis Pichinini exercitus Venetorum Imperatoris in Hannibalem Sfortiam Mediolanensem Ducem ad Serenissimum Principem Franciscum Foscar. Venetorum Ducem per Cl. Historicum, & Poëtam Laureatum Porcellum Neapolitanum. Deploratio Italiae poscentis pacem a Divo Paulo II. P. M. atque Porcellii Poëta Laureati Epigrammata.* Sed ut ad rem redeamus, discrepat ab iudicio Cortesii illud Poggii Florentini, Laurentio Vallæ ita loquentis: *Cur non & bis addidisti Virum doctissimum Porcellum, qui tot versus in tuam stultitiam, & mores reprobos scriptis elegantissime?* Vide Ephemer. Litterat. It. Tom. IX.

omnino varietate hæc ætas; quanquam hic quidem nonnullis visus sit distinctum illud & florens Virgilianum Poëma præclare effinxisse; hi tamen mea sententia longissime a vero judicio abfuerunt. Nec refert alieno ornatu, & quibusdam luminibus, ac quasi insignibus nostra scripta explere, nisi queamus id distincte, apteque facere. Fit enim nescio quid monstruosum quum membra cohærentia male, dissipantur. Modo enim hoc scribendi genus magnificenter renovatum est, & cognita primū numerorum varietas a¹ PONTANO principe hujus memoriæ doctissimorum hominum: qua sane & occurritur satietati, & nitidum illud struitur, & lœtum genus, ac politior illa elegantia hilaritate quadam aspersa conditur. Tum etiam nomen magnum, & doctrinam² SIGISMUNDO MALATESTÆ defuisse ferunt. Habet hic, sicuti semper audivisse vos arbitror, multa contraria, & diversa inter se naturæ studia. Fuit in illo magnum ingenium, fuit tanta industria rei militaris, quanta in homine quoquam; sed illud

mi-

¹ Jo: JOVIANUS PONTANUS Cereti in Umbria natus obiit an. 1505. ætatis an. 78. *Vir memoria quidem nostra* (inquit Alexander ab Alex. l. 1. c. 1.) *omnibus bonis artibus, atque omni doctrina præditus*; cui præter ingenii mansuetudinem, quæ plurima in homine fuit, munditia verborum, & compositus ille sermo ad omnem ingenuitatem plurimum accessionis faciebat. *Vir ad omne genus eloquentia natus* a Jovio appellatus est, & eo maxime, quia asserit Lilius Gyraldus, hunc in magnis Regum, & Principum negotiis diu versatum, modo bellorum, modo pacis conditiones, & foedera tractasse, non minus quam Phœbum, & Musas coluisse. *Quis tamen, exclamat, eo plura? quis doctius? quis denique absolutius composuit? enucleatius? exquisitus?* & licet ejus quidam hoc tempore gloria parum & qui sint estimatores, non illis tamen ipse concedam, ni meliora vel ipsi fecerint, vel ab aliis facta attulerint, id quod ad hanc ipse diem non vidisse fateor. Dialog. 1. de Poët. nostr. temp.

² De eo sic Author in Lib. 3. de Cardinalatu pag. 220. *At si historia est notitia eruenda occultior, ut ad concessionis usum exempla sumantur, quis dubitet, quin sint Sigismundus Fulginas, Bernardus Oricellarius, & Ghilinus Mediolanensis accessendi?*

mirabile : stare pari fastigio in utraque fortuna, multos devincire consuetudine, appetere inimicitias, clarorum hominum modo astringere, modo laxare voluptates, inter ipsas minime negotiorum oblivisci, minime famam aspernari, minime intermittere studia doctrinæ. Sed ¹ PIUS SECUNDUS in primis disertus habitus est. Is diligentia parentum a puerō eruditus multa celeriter ingenii, ac doctrinæ signa præbuit. In quo viro, Dii immortales, quanta diversa inter se studia fuerunt virtutum incredibilium! Mitto hominem artibus rerum benerendarum instructum; mitto Pontificem maximum: quis in dicendo vehementior? quis in Historia pressior? quis in Poëmatiis dulcior? quis in docendo copiosior? Exstant ejus Orationes amplius triginta, plenæ illæ quidem & argumentorum, & exemplorum. Idque eo fuit admirabilius, quod incommoda esset valetudine, ac semper maximarum rerum curis obrueretur. Erat in refellendo argutus, in probando subtilis; tenebat memoriam rerum Christianarum, adjunxerat etiam studia Philosophiæ: quæ omnia oratio referta sententiarum luminibus commendabat. Accedebat actio liberalis,

E 2

ge-

¹ Parcissimus in PII SECUNDI laudibus fuit Jo: Matthæus Toscani, inquiens, eum Oratorem suo sæculo non incelebrem, & veri satis amantem Historicum haberi meruisse, neque a Poëseos cultu ejus ingenium abhorruisse. At revera vir fuit doctissimus, & eruditissimus, quem meritum, & doctrina singularis super Vaticanî culmina constituere. Is quidem in ipsis Pontificatus curis Musis ac Genio animi causa locum dare solebat. Patriâ fuit Senensis Æneas Silvius Piccolomineus appellatus. Multa ingenii sui monumenta reliquit, de quibus disertissime in Ephemer. Litter. Ital. T. XIV. Vide etiam Campanum in ejus Vita, qui scribit deceisse Pium, ætatis annorum 59. an. 1464.

gestusque & venustus, & gravis. Licet enim hunc prope solum Oratorem ex hac acie doctorum adducere, cui natura pariter, & doctrina inservierint. Nihil de ejus consiliis, nihil de rebus gestis, nihil de animo, nihil de fortuna, nihil de gloria, nihil de religione hoc loco quærimus. De eloquentia loquor. Hoc in homine unam tantum Latini sermonis integritatem desiderarim. *Paulus.* Jure mehercle hunc laudas, Antoni. *Antonius.* Prudens tum etiam, & eloquens fuit ¹ DOMINICUS Pontifex Brixiensis, cujus exstant Orationes. Ac ejusdem quoque ordinis erat ² Jo: ANDREAS ALERIENSIS; homo plane doctus, sed toto genere horridior, ac præfractior. Ornatus est hic profecto eximiis laudibus, quod in emendandis voluminibus tam multam operam posuerit. ³ JOHANNES BASINIUS Poëma fecit molle, & facile. ⁴ ROBERTUS autem VULTURIUS Ariminensis, in eo libro, quem de re militari, & bellicis instrumentis scripsit, ostendit ille quidem satis ingenii, sed multo magis diligentiae, nec minimum

¹ DOMINICUS DE DOMINICIS Venetus Torcelli antea Episcopus. *Hic Vir*, Ferdinando Ughellio teste, ob raram doctrinam apud omnes ordines celebris sic, ut prius Patres propemodum videretur aquare, Paulo II. Pontifice ita censente, ad Brixensem sedem translatus est anno 1464.

² JO: ANDREAS ALERIENSIS notus est vel ex Epistolis Francisci Philelphi, qui eadem ætate vixit.

³ JO: BASINIUS Parmensis inter Poëtas adnumeratus. Floruit dimidio saeculi XV. Malatestis Ariminensibus carus. Hujus Carmina excusa fuere Parisis apud Simonem Colinæum an. 1539.

⁴ Seu VALTURIUS, ut ab aliis vocatur. Jo: Matth. Tosc. *Hunc Ariminensem* fuisse arbitror authorem præclarri illius Libri, quo veteres Græcorum, & Romanorum bellicæ machina accuratissime conquista & describuntur, oculisque legentium representantur. Vixit Sigismundo Malatesta Ariminum tyrannide opprimente. Obiit ætatis annorum 70.

mum eloquentiæ. *Alexander.* Multum isti Basinio
sane debemus; sed vereor ne dum multa emendare
voluerit, multa depravarit. Modo ista diligentius,
& ratione certa, non conjecturis emendantur.
Antonius. Sed veniamus aliquando ad eum, quem
mihi non licuit, per istos nominare. Traxit me ita
ordo, seriesque rerum, ut tanquam in visu inhæserim,
nec potuerim me citius explicare. *Alexand.*¹ AN-
TONIUM scilicet CAMPANUM dicis. *Antonius.* I-
stum ipsum. *Alexander.* Hoc in viro primum ap-
paruit florentius, ac splendidius quoddam orationis
genus. Scribebat facile, sed studiorum laborem
ferre non poterat; quod saepe fere contigit uber-
rimis ingenii. Habebat delectum illustrium verbo-
rum; erant sententiarum ornamenta, sed fortasse
multa interdum, & præsertim in Historia; in qua
tam multa est sententiarum continuitas, ut obtun-
dat potius animos, quam delectet. Orationes ve-
ro ejus valde probantur. Declarant enim & uber-
tatem ingenii, & vim quandam naturalem multis
esse oratoriis laudibus excultam. Utebatur facili,
& ita candido quodam scribendi genere, ut nume-
ris quibusdam adstrictus fluere videatur. Quanquam
numerus orationis abest ingenii nostris: ita tamen
imitandi quadam industria orationem inflexerat ad

fo-

¹ ANTONIUS natione CAMPANUS', quem humili loco natum refert Gy-
raldus, Poëta fuit, teste eodem, nobilissimus. De eo vide Paulum Jovium non
tam Politiani, Latomi, Platinae calamis laudantem, sed proprio etiam ore, quum
is ostenderit Campanum Pii Pontificis gratiam studiorum similitudine promeruisse.
Plura apud Cl. V. Zenum T. XII. Ephemer. Litt. It. ubi Episcopum Crotonensem,
& Aprutinum, Campanum invenies, qui decessit an. 1477. quadragenario major.

sonum, ut cadat plerumque jucunde, & numerose.
Alexander. Sane quidem, sed istum unum de superioribus vehementer probo. Sed est quædam de numero non parva dubitatio.
Antonius. Quæ tandem?
Alexander. Adhibendus ne sit orationi numerus.
Antonius. Clarissima de re dubitas.
Alexander. Quin etiam ipsem in multos jam sape incidi, qui omnino existimarent M. Tullium nullo in oratione numero usum fuisse: sed judicio tantummodo aurum inserviisse.
Antonius. Quid tam perversum est judicium istorum hominum, ut in eo nullum esse numerum affirment, quum tam multa præcepta de orationis numero reliquise videant? Mea quidem sententia est, orationem Latinam numerosa quadam structura contineri oportere; quæ adhuc omnino a nostris hominibus ignoratur.
Alexander. Ego profecto assentirer tibi libenter, Antoni, si quales hi sint, quid inter eos, & poëticos numeros intersit cognoscerem. Neque enim ego in oratione, æque atque in carminibus numerum facile perspexerim.
Antonius. In diffilimam disputationem me revocas, quæ non est profectio hujus temporis.
Paulus. Noli, quæso, Alexander, perturbare ordinem instituti sermonis; nam id, quod quæris de ratione numerorum, artis est intimæ, & liberam quandam cessationem postulat.
Tu vero, Antoni, perge ad reliquos.
Antonius. Sed revertamur potius ad eum ipsum Campanum. Is enim meo judicio ceteris exemplo esse potest, quam

parum obsit ad virtutem comparandam obscuro loco nasci. Nota res est. Dicunt enim quum puer ob inopiam oves pasceret, abductum esse eum a patruo praedito sacerdotio, ut tener sacris ad rem divinam imbueretur; tulisse id permoleste patrem, qui inops esset, & rusticus, ac jussisse statim puerum ad oves reverti: impetratum tamen precibus fuisse, ne pasceret, atque alium a patruo in pueri locum surrogatum: adolevisse apud patrum optima spe, & docilem puerum, tantosque progressus brevi tempore effecisse, ut jam gravioribus artibus applicaretur. Inerat profecto in hoc homine ingenii celeritas quædam, ut quod semel, aut iterum vidisset, arriperet; quod etiam indicant ejus Epigramma-ta, festiva illa quidem, & plenissima argutiarum. In multos cavillosus est bellissime, & facete. Nam in omni etiam sermone dulcem eum fuisse, & perurbanum ferunt. Eodem in numero habitus est NICOLAUS PEROTTUS, litteris doctus Græcis, & Latinis. Hujus in Orationibus sermo est non inquinatus, & multa habet oratoria ornamenta. Scripsit etiam pleraque toleranda. Is adversarium, & obtrectato-rem

^x NICOLAUS PEROTTUS ex Lentino Umbriæ Oppido, hodie Saxoferrato, Graeca Latinaque litteratura juxta clarus, Archiepiscopatum Sipontinum ob doctrinam, & virtutem meruit; in quo munere reele administrato, extrema jam senectute obiit (nempe an. 1480.) apud Villam Fuguram ab ipso demino nomen fortitam. Hujus ex officina prodiit Cornu Copia, sive Latina Lingua Commentarius, Liber omnifaria eruditione refertus, cuius Lectorem nunquam ullocata in eo opera penitebit. Quibusdam etiam aliis Libellis rem Grammaticam juvit, & Polybium Latino eloquio expressit. Ita Toscanus. At a Paulo Jovio accepimus, Nicolaum Romæ Græcas litteras pertinaci studio consecutatum, & a Cl. Zeno a Secretis fuisse Eugenii IV. Nicolai V. & Callisti III. qui per litteras suas dat. 1456. Poëtam laureatum vocat.

rem suæ laudis habuit ¹ DOMITIUM CALDERINUM, qui quum esset ingenio peracri, & flagranti studio, neminem secum instituendi, ac scribendi gloria conferendum putabat; exagitabatque omnes, in quibus aliqua maxime apparerent doctrinarum signa: sed breve tempus fuit fructuum ingenii percipiendorum. Erat is in reconditis abstrusisque rebus explicandis subtilis, & acer, & ingenio tanto, ut siquid interdum falsi diceret, aut novas opiniones insereret, aut conaretur evellere insitas, ita quibusdam rationum integumentis adumbraret, ut consensu multitudinis verissime dixisse putaretur. Itaque quum sibi omnia his ingenii præsidiis ascisceret, magnam diuturnamque invidiam conflavit; quanquam habet pertinaces quosdam sui amatores. Hujus oratio elegans est, & plane erudita: verborum, & sententiarum multa lumina: quod proposuerat ingeniose imitabatur. Laudandus hic unus est, cui si vita suppeditasset, majorem omnino gloriam esset consequutus, quam quæ ex umbratili ludo quæri posse videatur. Is diu Romæ ² THEODORO

GA-

¹ Calderia Veronensis Agri oppidum, calidis aquis nobile DOMITIUM (proprie vero Dominicum) protulit. Eum acri, flagrantique ingenio ad gloriam anhelantem Beffarion Cardinalis exceptit, & extulit. Exinde, quum Roma profiteretur, & obscura sensa duriorum Poëtarum admirabili recondite lectionis testimonio dilucidasset, litterarum splendoris assertor, ac omnis obscuritatis acclamatus est. Vide plura in Pauli Jovii, ac Jo: Matthæi Toscani Elog. Causam vero simultatis Domitii habes in Ephemer. Litter. Ital. Tom. XIII. ubi fuse de Sipontino differitur.

² De THEODORO GAZA vide sis quæ author de Cardinal. pag. 235. ait. Hic Thessalonicae honesto loco natus, Amurathe Græciam omnem vicitribus armis quatiente, in Italiam venit acumine, fertilitateque ingenii nemini secundus, ut ait Jovius: Johannes Pierius Valerianus ita de Theodoro: Tanta eruditio Vir, quanta multis ab hinc annis nemo Græcorum, dicere ausim etiam & Latinorum, fuit.

DE HOMINIBUS DOCTIS. 41

GAZÆ dedit operam, cum summo Philosopho, tum
gravissimo scribendi magistro. *Alexander.* Reæte
dicas, Antoni; nam Domitius quicquid habuit
(quantum ego a majoribus accepi) ex Theodori do-
ctissimi hominis disciplina hausit: cuius quidem
beneficii omnino immemorem dicunt fuisse.
Antonius. Ego vero sic existimo Theodorum unum
e multis laudandum esse, & in eo primum cum
summa philosophia, summam eloquentiam conjun-
ctam: nec erat is in eorum numero, qui usurpatio-
ne disciplinæ, verbis magis quam vita Philosophiæ
studia persequuntur. Ut enim ei ingenii, & elo-
quentiæ, sic humanitatis, innocentiae, ac omnium
virtutum primæ deferebantur. Erat in scriptis sum-
ma gravitas, erat profluens sine molestia ubertas,
candor autem latini sermonis, & splendor tantus:
ut non modo acuere industriam, sed etiam alere qui-
busdam orationis nutrimentis ingenium potuisset.
Jure igitur totius Italiæ consensu a doctis est prin-
ceps judicatus. *Paulus.* Istius vero quantum ego
intelligere possum, cum magna ingenii gloria, ma-
gnaque doctrina, qua in omnibus unus excelluit,
tum egregie acta vita laudatur. Ex quo intelligi
maxime potest specimen solidæ gloriæ nonnisi in
perfectione virtutis solere existere. Me autem non
tam ipsa studiorum gloria, quam bonæ existimatio-
nis fructus delebat. *Antonius.* Merito te iste fru-
ctus delebat. Sed colligamus reliquos. Nam cer-

F

te

te ¹ BESSARION Cardinalis NICÆNUS plus dignitatis attulit Reipublicæ Christianæ, quam quod ex eo speraretur. Præbuit enim se magnum virum quum contentiones inter Græcos, & Latinos sunt dijudicatæ. Fuit is cum omni vita severus, & gravis, tum plenum, & grande est habitum ejus Græcæ orationis genus. Hujus domus quasi nutrix quædam fuit omnium magnarum artium. Disputabant eruditi homines toto die maximis de rebus. Ipse grandis natu in utramque partem cum refellendo, tum probando respondebat. Nec enim tanta mens, nec tanta vis ingenii quotidianis quæstiunculis satiari poterat; legebat ipse multum, scribebat, meditabatur. Existat ab eo liber defensionum Platonis omni doctrina refertus. Multum etiam gloriæ est consequutus ² JOHANNES ARGYROPYLUS Byzantius, prope per-

¹ BESSARION TRAPEZUNTIUS, Græcus Asiaticus, Monachus S. Basilii, Archiepiscopus Nicænus, Byzantii Patriarcha, Presbyter Cardinalis SS. Duodecim Apostolorum, postea Episcopus Cardinalis Tusculanus: *Hic*, ut author est Ciacconius, in utraque Lingua Græca, & Latina peritissimus litteratorum, & prudentum hominum amicissimus fuit, quos domi sua convenientes humaniter suscipiebat, & privatis disputationibus singulis diebus alebat, & fovebat. Maximus, & acerrimus Fidei Catholicae defensor fuit; ipse enim ex Græcis primus in Concilio Florentino, in quo conciliata fuit Græca cum Latina Ecclesia, confessus fuit articulum illum de processione Spiritus Sancti simul a Patre, & Filio tot seculis inter Gracos dubium. Ravenna maximo omnium dolore obiit. Romam ejus cadaver translatum, sepultum fuit in Basílica XII. Apostolorum in facello a se constructo, Latina in ejus funere orante, cum Epitaphio a se ipso an. 1466. posito.

² De JOHANNE ARGYROPYLO vide Papadop. Hist. Gymnas. Patav. afferentem, hunc nobili genere Constantinopi natum esse. Jovius vero Joannem apud Cosmum Medicem gloriofa liberalitate litteris faventem in honore fuisse ait, tantæque nominis existimationis, ut is Petro filio, nepotique Laurentio præceptor datus, loco parentis haberetur, publice vero Florentina iuventuti Gracos authores enarraret. Grati idcirco animi erga Mediceæ gentis proceres vigiliarum præclara extant monumenta, consacra-

DE HOMINIBUS DOCTIS. 43

perfectus Peripateticus, & sane tolerabilis scriptor. Is cum bello Byzantino domo pulsus in Italiam venisset, multos docuit ex nostris hominibus, qui admirabili fama doctrinæ compulsi, se in ejus disciplinam tradiderant. Hujus auditor fuit ¹ DONATUS ACCIAJOLUS, homo non indisertus, & ipso orationis genere copiosus. Multæ fuerunt in hoc viro litteræ; multa non philosophiæ solum, sed priscarum etiam rerum cognitio. Fuit in illo præter studium doctrinæ, & facilitatem naturæ, summum ingenium, summa ratio, consideratissima prudentia. Erat quædam orationis sanitas, cum coloris bonitate; non medicamentis quæsitus, & fricatus candor. Doctus item ex eadem disciplina ² MATTHÆUS PALMERIUS fuit, qui conservatis temporum ordinibus multorum annorum memoriam breviter, & accurate complexus est. Sed nihil tamen ad Donatum, sed po-

F 2 tius

secrata in ea domo altrice vera virtutis. Aristotelis enim naturalia, atque moralia generose transtulit; ita applaudente Gaza vetere sodali, qui diversas Aristotelis partes vertendo desumpserat, ut quædam ab se pariter translata combureret, ne amicissimi hominis crescenti famæ officerent, si ad emulationem odiosa comparatione certaretur. Floruit deinceps Argyropylus (ita Papadop.) Florentia summa existimatione doctrinæ. Decessit Roma septuagenarius anno 1486.

¹ Multa non philosophiæ solum, sed priscarum etiam rerum cognitio. Idipsum, teste Francisco Bocchio, indicat Volumen, quod suo nomine Iohanni Oricellario dicatum est de natura virtutis, & vitii. Idipsum ex Moralibus Aristotelis luculentter appetit, quibus DONATUM erudita, & pereleganti commentatione magnum lumen attulisse judicatur. Convertit e Latino in Tuscum sermonem Historiam Leonardi Arretini, & e Græco duas Plutarchi Vitas. Natus est nobilibus parentibus Flor. an. 1449. mortuus est quum annum quinquagesimum attingeret; conditusque Carthusiano in Templo. Laudavit eum pro concione Christophorus Landinus.

² Ita Toscanus: Pari felicitate Latina, atque Etrusca carmina facientem, Florentia tot ingeniorum mater in lucem dedit. Extat & ejus Historia Pisana, & Supplémentum Chronicorum Eusebii. Obiit Florentia an. 1475. ut patet ex Bartholomæi Fontii Annalibus, quos una cum Chronicis Palmerii in lucem propediem prodire speramus. Vide Ephemer. Litterator. Ital. T. X. atque Ephem. Litterat. Europæ Jo: Angeli Tom. 2. p. I. pag. 80.

tius ad antiquorum consuetudinem , & inscitiam . Nam ¹ BARTHOLOMÆUS PLATINA erat cum omni vi-
ctu , atque cultu , tum oratione temperatus , & lenis ,
& ut ita dixerim , frugi , atque integer . *Paulus* . Ita
prorsus est . Memoria teneo , me puerum , quum
ab ² ALEXANDRO fratre , & ³ L. M. PHOSPHORO , quem
ego secundum fratrem diligo , duderer ad Platinam ,
multa ab eo memoriter , & sapienter dicta audire
solitum ; atque adeo omni ejus sermone delecta-
tum , ut quantum illius ætatis judicium patiebatur ,
non dubitarem , eum unum inter multos sapientissi-
mum appellare . Erat enim is cum sermone comis ,
& perurbanus , tum magna corporis præditus di-
gnitate ; vox canora , status , incessus , omnisque
corporis motus liberalis . Itaque ut nobis pueris opi-
nio

¹ Compluribus aliis documentis , quæ perspicue evincunt PLATINÆ Cremonensi BARTHOLOMÆI nomen fuisse , de quo addubitare videntur Gerardus Vossius , Paulus Jovius , Jo: Matthæus Toscani , aliique , ad censemendum est hoc Pauli Cortesii indubitable testimonium , utpote Viri , cui , simul ac fratri suo Platina optime cognitus erat . De eo Erasmus in Ciceroniano : *In Historia valiturus erat si natus fuisset argumentum felicius . In optimo cive , & panegyrico non nihil accedit ad Ciceronis imaginem , sed tanto intervallo , ut hoc nomen non promereatur eruditorum calculis : alioqui vir doctus , facundus , & , ni fallor , bonus . Jo: Matthæi Toscani tale judicium est : Platina quanta potuit industria , eloquio tamen incomposito Pontificum Romanorum Vitas exæctius , quam ante illum ceteri , absolvit . (Pepl. Ital.) Illud Floridi Sabini est : Summorum Pontificum Vitas eleganter scripsisse , eoque immortalem sibi gloriam peperisse . Obiit Romæ an. 1481. Cl. Vir Lud. Ant. Muratorius Platini Opus nuper edidit .*

² De ALEXANDRO Cortesio hæc Gaddius : *Alexandri doctrinam , & virtutem laudat Picus in Epistola ipsi scripta : ejus versus de laudibus Matthei Regis laudantur a V. Obsopæ ob eruditionem , & ingenium singulare Poëta , quem indicat cum priscis Poëtis numerandum fuisse , si ad justam ingenii maturitatem pervenisset . (De Scriptoribus non Eccl.) Hic fuit a diplomaticis Centumvir , atque Apostolicus Scriptor . Vide Vossium de Historicis Latinis , aliosque .*

³ LUCIUS FAZINIUS MAPHÆJUS Romanus , vulgo PHOSPHORUS appellatus , vir doctrina clarus peritiaque tum Græca , tum Latina Lingua per celebris a Sixto IV. Episcopus (Signinus) adlectus est anno 1481. die 19. Mensis Augusti . Decessit autem Roma 1503. Hic ob similitudinem studiorum Angelo Politiano , Hermolaoque Barbaro varia litteratura clarissimis luminibus familiariter usus est , ut corundem epistola pro-
dunt . Ughell. It. Sac. Tom. I.

nio fuit plurimum eum ingenio, & doctrina valuisse; sic etiam adolescentiores eum vehementer laudandum judicabimus. *Antonius.* Sed jam ad inferiorem, si placet, ætatem veniamus, quæ certe magnam ingeniorum copiam tulit. *Alexander.* Tu vero, Antoni, ita ad hanc inferiorem ætatem properas, ut omnes jam, qui aliquam ex humanitatis studiis laudem adepti sunt, collegisse videare. Sed nescio quo pacto ¹ JACOBUM Cardinalem PAPIENSEM, & item plerosque ex veteribus præterieris. *Ant.* O singularem memoriam tuam, Alexander! At mihi iste unus in tanto numero exciderat. Nec enim ego dubito multos præteritos fuisse ex veteribus eruditos homines; sed hoc accidit culpa eorum, qui nihil scriptum reliquerunt. Diximus autem nos a principio eos in hunc sermonem relatuos, quos aut a majoribus laudatos accepimus, aut quorum scripta in existimantium arbitrio versentur. *Paulus.* Prudentissime facis, Antoni; nam isti, qui nihil scribendo volunt videri sapere [nisi alioqui doctissimi sint, aut erudiant juventutem] nullo modo mihi placent. Odiosum sane genus hominum, & inutile videtur, non solum vivis, sed etiam posteris nocere: quum aliena lacerent, ipsi nihil audirent scribere, atque id se facere modestia, & conscientia ingenii commotos dicant: ingeniosorum quidem hominum studia retardant; At homines infamæ

¹ JACOBUS Ammannatus Cardinalis PAPIENSIS dictus, Patria fuit Lucensis. Floruit dimidio saeculi decimiquinti. Extant ejusdem Epistolæ, ac Commentariorum Libri impr. Mediol. 1506. & alibi.

miæ insolentes, & insueti calumniarum facillime a scribendo deterrentur. *Antonius.* Merito isti nullo loco sunt numerandi, qui nihil in vita effecerunt, ut numerarentur. Sed revertamur ad nostros, & a duobus adolescentibus fere æqualibus exordiamur. *Paulus.*¹ CAMPANINUM SEPTIMULEJUM te puto, & ÆMILIJUM dicere. *Antonius.* Recte putas. Quorum alter, quanquam decennio ante mortuus est, quum alterius tamen ætate conjungebatur. Ex Platina sæpe sum audire solitus, qui se Campanino comitem in vinculis fuisse dicebat (fuit enim tum litteratis & carceris, & exilii subeunda calamitas) magnam eum in illo juvenili, & poëtico ardore spem, atque admirationem præbuisse. Sed Æmilius civis Romanus ad amplitudinem, & honores pervenisset, nisi celerius, vi, quam suo fato, concidisset. Poëmata ejus, non illa quidem nimis compta sunt, nec varia; apta tamen, & quæ naturæ viribus fulta, tanquam in herbis parva adhibita cultura, ingenii viriditatem, nondum fruges ostendat, ita ut in eo illustre ingenium appareat, artificium mediocre. Sed ne ² NICOLAO quidem VALLensi, qui Homerum, & Hesiodum Latinis expressit versibus, poëticum ingenium defuit. Nam ut ceteri multorum sunt approbatione contenti; sic iste vindetur unius Theodori testimonio aliorum judicia

re-

¹ Num. AUGUSTINUS CAMPANUS Paulo II. invisus?

² De NICOLAO VALLA ita Valer. de Litter. infel. L. 2. Inter Romanos autem paucis ante annis non ignobilis fuit Nicolaus Valla summa juvenis eruditio, Gracis Latinisque Litteris apprime doctus, qui quidem adolescens admodum ad Homeri sublimitatem eleganti Latini carminis facilitate coperat aspirare. Is tamen nondum alterum a vigesimo egressus annum fati quadam inclemetia eruditorum omnium spei surreptus est.

requirere non debere. *Paulus.* Ego vero vehementer delector commemoratione civium Romano-rum. Nam si verum dicimus ¹ nos cives Romani sumus, & duas habemus patrias; unam naturæ, juris alteram: nec plus sane debemus illi, quæ eduxit, quam illi, a qua excepti sumus. Itaque cum sexaginta jam fere annos Romæ habitaverimus, jure nostro cives Romani haberi debemus. *Antonius.* Optime facis, Paule, quod Urbi Romæ justissimas refers gratias, in qua præsertim, ² ANTONIUS CORTESIUS pater tuus magnam sit nominis celebritatem consequutus. Fuit enim ille Vir cum princeps Collegii Duodecimvirum, tum in illis litteris scribendis expeditus, & facilis; quæ quanquam inquinatæ sint, ita tamen in his excelluit, ut appareret ejus naturale quoddam bonum depravatum esse vitio corrupte loquendi. *Paulus.* Non putabam te eo sermonem producturum, ut in patrem meum incurreres. Sed gratissimum mihi fuit cum testimonium judicii tui, tum dulcior, & suavior commemoratio paternæ industriæ. *Antonius.* Nec autem ab illa poëtica laude aberat ³ JANUS PANNONIUS, quem fuisse Guar-

ni

¹ Vide Pauli Cortesii Vitam. Hinc Prosper Madosius Cortesios Romanos appellavit.

² Fuit Scripturariæ, ut vocant, censoræ princeps, &c. teste Jo: Vincentio Coppi in Annalib. Geminianens. Pauli vero verba hæc sunt in Libro de Cardinalatu: ANTONIUS quidem Cortesius pater meus, Duodecimvirorum Compendiariorum, & Scripturaria Censura princeps, quum præ negotiorum, interventorumque magnitudine fere semper minus prandere solere diceretur, &c. cum aliis illius temperantiam sobrietatemque ostendentibus. Libelli cujusdam author est, de quo vide Pauli Vitam.

³ JANUS, vel Johannes PANNONIUS Episcopus fuit quinque Ecclesiarum. Varia ejus poëmata edita fuerunt Venetiis an. 1554. Plura Paulus Jovius in Elog. De eo meminit Lilius Gyraldus, aitque, Elegiā potius quam heroico illum præstisse. V. Jo: Pier. Valerian. de Litter. infel. Lib. 1.

ni auditorem ferunt : clarum mehercule Poëtam quis negare potest ? Nam ego sic existimo hunc unum ceteris superioribus poëtica gloria præstítisse . Illud certe mirabile in hoc homine fuit , quod **externus** , quod barbarus (quæ gens durior ad Musas videri solet) ad summam admirationem , & ingenii famam pervenerit . *Alexander* . Quid tantum externum effers ? quasi vero iste non modo nostros omni genere laudis superarit , sed etiam a scribendo deterruerit . Si jocaris , belle mihi videris eum laudando suffragari barbaris ; fin asseveras , cave ne plus quæstionis suscipias , quam possis sustinere . Eum si laudas ut ingeniosum , ac plane doctum , prorsus assentior , modo ita laudes , ne gloriam nostris præreptam velis . Nuper autem ea nostri homines agnoverunt , ut paulo ante dixisti , quæ sunt ab eo omnino ignorata , nec ipse unquam suspicatus est , quænam essent numerorum varietares . *Antonius* . Nolo me putas ambitiose loqui . Sed ANDREAM CONTRARIUM placuisse quibusdam scio ; quod illa lumina Ciceronis ingeniose admodum consecrari videretur ; sed aliquanto tamen abest ab optimo genere imitandi ; & , ut scite ¹ amicus noster ait ; non ille quidem ut alumnus , sed ut simia effingit . Is enim ² FRANCISCO LIPPO Arretino contume-

¹ De Angelo Politiano loqui intelligo , qui Epist . XVI . Libri VIII . ait Cortesio : *Mibi vero longe honestior tauri facies , aut item leonis , quam simia videtur .* E contra vero Cortesius Politiano respondit : *Ego malo esse asecla , & simia Ciceronis , quam alumnus .*

² FRANCISCUS LIPPUS Litterarum Græcarum , ac Philosophiæ peritiæ excultissimus , Authori nostro ferme contemporaneus fuit .

meliosissime maledixit, ominatusque est illi id genus mortis (mirabile dictu!) quod postea utriusque contigit. Nam Lippum Neapolim proficiscentem, in itinere ex equo præcipitem in terram delapsum mortuum ferunt; alterum etiam ex Brutiis decedentem non multo post simili prope modo cecidisse. *Alexander.* O gravissimum casum duorum eruditorum hominum! siquidem ejus animus præsentiens futura, quum alteri esset ominatus, sibi non cavit. *Antonius.* Atque tum etiam in aliquo numero fuit ¹ ANGELUS SABINUS Poëta, qui non satis, si non contemni, probari etiam cupiat: quanquam multa sint in eo inaniora, nihilque varietatis adhibeat ad permulcendas aures. Sed hæc doctorum hominum contentiones de litteris tantummodo inter se dissidentium, multum acuerent juventutem, nisi ipsi alios, aut invide vituperarent, aut insectarentur inimice. Utilissimum certamen convertunt ad invicem, atque omnis undique concurrit ad judicandum consensitens indoctorum turba. Sed hæc si forte ad nos, nihil tamen ad institutum sermonem. *Alex.* Quid tu id ad nos? quasi vero imperitorum judicia curremus. Unus existimator bonus est mihi pro centum millibus. *Antonius.* ² MOMBRINUS mediocris in-

G du-

¹ ANGELUS SABINUS Commentaria edidit in Juvenalis Satyras.

² Forte MAMBRINUS ROSEUS, qui de Principatu (Gabriele Naudeo teste in Bibliograph. Polit.) scripsit. Sed de BONINO MOMBRICIO Mediolanensi intelligendum suspicarer; etenim laus, quæ huic a Cortesio tribuitur, tum Mombricii ætati, tum etiam professioni respondere videtur. Editor Librorum erat Mombricius, qui an. circiter 1475. edidit inter alia Matthæi Palmerii Florentini Librum de Temporibus, suisque carminibus illustravit.

dustriæ, sed multæ doctrinæ, & magni laboris fuit. Scripsit is Hexametros, illos quidem erudita etiam ætate tolerabiles. Utinam ¹ COLA MONTANUS quale ingenium habuit ad dicendum, talem mentem ad ocium contulisset. Sed hunc ambitio absorbuit, & inexhausta aviditas magnitudinis falsæ, dum sibi opinionis errore gloriæ fore putet seditionem, atque discordiam ferere, & potentissimos homines falsis criminibus in invidiam vocare; itaque malis initiosis orsus, perniciosissimum vitæ genus tristem exitum habuit. *Alexander.* Quæ, malum, est ista tanta ambitio? quæ præclarissimum istius ingenium falsæ laudis cupiditate perverterit? Nihil est enim, ut opinor, incongruentius, quam litteras, quæ aluntur ocio, & usui commodoque parantur, ad perniciem hominum seditionemque convertere. *Antonius.* Sane probe dicas, Alexander. Sed ² ANDREAS BRENTIUS Patavinus Græcis litteris eruditus ostendebat fructus futuros; quos si percipere ei licisset, & speratam esset gloriam consequutus: sed breve vitæ spatum ingenii amplificandi fuit. Hunc defunctum ³ PAULUS MARSUS quum laudavisset, fuissetque in ea laudatione a multitudine quasi explosus, propterea quod nimia contentione vocis pronuntias-
set,

¹ De COLA MONTANO plura Author noster Lib. 3. de Cardinal. *hominem appellans ingeniosum, & disertum.*

² ANDREAS BRENTIUS Græcis Latinisque litteris clarus, Hippocratem de insomniis in latinum sermonem convertit. Romæ immatura morte sublatus est an. 1484.

³ PAULUS MARSUS Poëta fuit, & Commentator. Claruit an. 1485. Eiusdem habemus Commentarium in Ovidii Fastos editum Ven. 1482. atque aliud in Virgilium impressum Norimbergæ 1492.

DE HOMINIBUS DOCTIS. 51

set, tantum animo accepit dolorem, ut paucis inter-
positis diebus quum ad animi solicitudinem morbus
accessisset, moreretur. Is non erat omnino con-
temnendus scriptor, nec inutilis, & Poëta quamvis
negligens, attamen laudandus, ut qui multum natu-
ra ipsa valuerit: meministis enim vos, ut opinor,
quam magnum numerum versuum sit is solitus di-
cere ex tempore. Sed grave vulnus nobis fuit, quod
nuper ex morte ¹ FLAVII PANTAGATHI ingeniosi ho-
minis suscepimus; qui quum semel se ab inimico-
rum fraude vindicasset, incidissetque iterum in im-
petum furentis populi, ab ipsis inimicis est interfe-
ctus. Fecerant irruptionem inimici cum armatis ho-
minibus in ejus domum; cædebant januam saxis,
instabant ferro; quum ille miser undique fata cir-
cumstare, nec jam salutis spem ullam videret, ini-
micorum crudelitati se præbuit laceraundum. Itaque
homo eruditus, diutius si vixisset, declarare potuif-
set id se in scribendo consequutum, quod ab excel-
lenti ingenio expectari potest. Erat is Poëta acutus,
& quibusdam aculeis facetus. Erat in laceſſendo,
& in respondendo tanta ingenii celeritate, quantam
in nullo unquam cognoverim. Is reliquit Trajanī
Cæſaris vitam, utilem illam quidem, & nobilem.
Nec vero ² ANTONIO GIRARDINO honores defuiffent,

G 2 nifi

¹ De FLAVIO PANTAGATHO Poëta mentionem facit Author de Card. L.I. pag. 39.

2 ANTONIUS hic de GIRARDINIS, aut mavis de Geraldinis, ut ex ectypo
corundem sigillo apud me patet, Poëta laureatus. Hunc Jo: Cinellius Floren-
tinum appellat; sed Amerinus fuit, vir clarissimus, qui post varias legationes,
obiiit Marcenæ in Andalutia an. 1488. Ejusdem multorum Operum mentio ha-
betur in Ephem. Ital. sæpe citat. T. XXII. & XXIV.

nisi ipse quoque in medio cursu cecidisset. Contulerat se ad amicitiam Hispanorum Regis; quem sibi adeo, sive morum suavitate, sive doctrina devinxerat, ut facile homo litteris instructus, si longior ei vita contigisset, a Rege generoso, ac potente & opibus, & honoribus sublevaretur. ¹ MARTINUS PHILETICUS quanquam natura erat tardior, non tamen indoctus fuit, & sane utilem operam juventuti præbuit. Sed & oppidana quidem, & minus compta erat oratio; idque acciderat dum se vellet & Poëtam, & Oratorem putari, quum in altero laboraret, in altero parum studii poneret, & neutro excellebat; quod vitium cum in omni re, tum potissimum in his studiis effugiendum puto. In eo quoque genere numerabatur DANIEL FRANCINUS diligens, & sane bonus Grammaticus, in dicendo autem lenis, & fluens, sed qui plus latinitatis, quam nervorum haberet. Neque enim ita facti a natura sumus, ut possimus pluribus simul rebus excellere: itaque in hoc arbitror sequendam esse naturam ducem, atque eo tantummodo eundum, quo ab ipsa trahimur, & ducimur, ut simus potius simplici in genere perfecti, quam nos totos variarum multipliciumque artium studiis applicemus. Sed ² BARTHOLOMÆUS

LAM-

¹ Eiusdem habemus Commentaria in Epistolas, de Offic. Amicit. Senectut. & Paradoxa Marci Tullii, atque Theocriti Idyllia e Græco in Latinum translata.

² En nova de nomine contentio. Paulus Jovius: LAMPRIDIUS (ita omissio nomine) Poëta Cremonensis, quum in Colle Quirinali schola Græcorum adolescentium, instituente Lascare coalesceret, docendi munus suscepit exercitatione perutili; quod argumenta proposita utriusque lingua verbis, & figuris ad mutuam ingeniorum emulationem vertentur: sed erepto Leone, & subinde eversis optimarum litterarum studiis, Patavium se contulit, ubi per aliquot annos domi ex collaticia mercede delectorum juvenum Gracas,

DE HOMINIBUS DOCTIS. 53

LAMPRIDIUS, hospes, Paule, & familiaris tuus, litteris Græcis doctus fuit, sed in dicendo parum exercitatus, totoque genere jejonus, & fractus: ferebatur enim, ut scis, ita præcipiti quadam dicendi cupiditate, ut quum peroraturus esset, vix trium dierum spatum in meditanda componendaque oratione posset. Itaque quum sæpe inter dicendum ea, quæ celerime, & interrupte didicerat oblivisceretur; risum audientibus excitabat. Sed postquam, Paule, in memoriam incidimus necessariorum tuorum, referendi nimirum in hunc sermonem erunt duo municipes tui, ¹ C. QUARQUALIUS, & ² ANTONIUS LOLLIUS, quorum alter Poëma fecit festivum, & quibusdam aspersum salibus; alter etiam ex aliquot orationibus, quas Romæ habuit, multum commendationis est consequutus. *Paulus.* Amice, hercule, fecisti, Antoni, quod laudem meis municipibus tribueris. *Antonius.* Sed de ³ FRANCISCO ARRETINO aliquid dicamus: qui fuit unus doctissimorum Ju-

ri-

& Latinas litteras, majore quaſtu, quam gloria professus est. Gaddius vero de Scriptoribus non Eccles. T. I. Lampridius Benedictus Cremonensis Poëta elogio, vel censura notatus ab Jovio, defenditur, summeque laudatur a Toscano, qui ipsum appellat faculi miraculum. Honorius Dominicus Caramella Panormitanus, Michaël Foscarenus, aliique Benedictum appellant. Verum Lampridio Bartholomæi nomen fuſſe suadet assertio Pauli Cortefii, qui h̄ic ejusdem hospes, & familiaris vocatur.

¹ De CHERUBINO Domini Bartholi DE QUARQUALIIS Canonico Eccl. Collegiatæ Geminianensis plura Jo: Vincentius Coppi in Annal. De eo ita Cortefius de Cardin. Lib. II. pag. 80. loquitur *Lucius Matiscon Celta* quum a ſpe patritia-
tus longiffime abeffet, promiſſetque C Quarqualio Municipi meo Janensi, Poëta ut illa-
tate culto, ſi fato quandoque effet ei in Senatoria ſella ſeffitandum, fanum ſe quod-
dam paganum daturum, quumque paucis poſt diebus senatorium locum nundinatus effet,
quaſiſſetque ex eo Quarqualius ut aut adepto Patritiatu ſervaret promiſſorum fidem, &c.
Inter Epistolæ Marſiliæ Ficini aliqua extat Cherubino Quarqualio viro doctissimo.

² ANTONIUS LOLLIUS Geminianensis inter Patriæ ſuæ viros illustres adnu-
meratur a Jo: Vinc. Coppio, qui Epistolam Politiani de eo loquentis ostendit; eſt
autem Lib. IV. ep. IX.

³ Floruit FRANCISCUS ACCOLTI Arretinus circa annum 1470. meruitque
elogium, quod apud Guidum Pancirolum. Vide ejusdem Lib. 2. cap. 103. de Clar. Int,

risconsultissimus omnium. Nihil est enim litteris mandatum, nihil in artibus disciplinisque omnibus traditum, quod ab hoc homine non sit aut cognitum, aut investigatum. Memoria autem tanta erat & verborum, & rerum, ut omnia, quæ unquam legerat meminisset.¹ BERNARDUS autem JUSTINIANUS, Leonardi Oratoris Filius, qui nuper est mortuus, natura fuit singularis ad dicendum, & negligentiam latini sermonis tegebat actionis dignitate. Hujus sunt Orationes. Illa Romæ habita, ut in affluent, & copioso genere, laudabilis.² LAURENTIUS MINIATENSIS, qui nuper obiit, quoquo modo poterat & Poëmata scripsit, & Historiam, sed hunc sublimius Astronomia satis sustulit; in quo genere ita laboravit, & præstítit, ut esset ex tota Italia ad eum concursus. Atque is primus ex omnibus Manilium Poëtam ex adytis editum in lucem revocavit. Sed pæne PÆTONUM, & L. CARBONEM imprudens præterii: quorum alter cum studiosus, & diligens, tum bene doctus fuit: alterius nonnullæ feruntur Orationes. Alexander. Iſti quidem laudantur semper a nobis, & jure laudantur, quandoquidem tantarum doctrinarum scientiam sunt adepti; sed vellem, postquam eos, qui aliquam scribendi laudem attigerunt, nominasti, ut de his, qui hodie vivunt, aliquid dices,

¹ BERNARDUS JUSTINIANUS Leonardi antea memorati filius patricius Venetus suæ Urbis nomine an. 1471. ad Xystum Pontificem legatus fuit, scripsitque Vitam patrui sui Laurentii Justiniani, item de origine Venetiarum. V. Voss. de Hist. Lat. Hujus Orationem quamdam doctissimi fratres Vulpii Patavii nuper edidere.

² De LAURENTIO BONINCONTRIO Miniaten. loquuntur Michaël Foscarenus Scaligeri verbis, ac Cl. Vir Lud. Ant. Muratorius, qui primus Bonincontri Historiam nuper inter rer. Italic. Script. edidit. Bonincontrius Manilium primus Florentiae legit, ut ipse testatur, magno auditorum assensu, & Commentarium in Manilii Libros Astronom. Bonon. in lucem misit 1474.


DE HOMINIBUS DOCTIS. 55


res. *Paulus.* Mihi vero nihil poterit esse jucundius, quam si eorum hominum virtutes, qui nobis ex facie, & ex fama doctrinæ noti sunt, in hoc sermone celebratas videro. Delectamur enim nescio quo pacto vehementius eorum laudibus, quos præsentes diligimus, aut admiramur. *Antonius.* Ego profecto libenter vobis morem gererem, nisi jam advesperasceret. Res sane esset novo sermone digna, sed vos, ut opinor, non parum voluptatis cepistis ex commemoratione summorum virorum. Quanquam tu quidem, Paule, quod fortasse hac ætate illustrioribus litteris eloquentiæ studia aucta putest, vivorum magis laudibus delecteris, quam eorum, qui vita excesserunt: multi tamen laudandi viri, quos in hunc sermonem congesimus, omni nos genere doctrinæ delectare possunt. Nam L. Arretinus, illius ætatis princeps, satis nos delectabit, si in eo amplitudinem, & copiam requisiverimus: nec minus jucunditatis habet erudita illa Theodori Gazæ & sententiosa, & mollis oratio. Jam vero A. Campano, quod lumen orationis, quæ ornamenta desunt? quid Poggio ingeniosa in dicendo facilitas? quid ceterorum præclara ingenia? Mirum est quantum in suo quisque genere delectet. *Alexander.* Præclare intelligo, cur neminem ex his, qui hodie sunt, velis ipse nominare; ne quid scilicet ad gratiam dices, aut ne forte minuere eorum, quos collegisti, gloriam videreris, si eos cum his, qui vivunt conferres. Evidem de quibusdam sic existimo, ipsos multum in omni genere doctrinæ esse versatos, sed

non-

nondum lumen, & florem Latinæ orationis attigisse; quam tu negare non poteris ab hujus ætatis hominibus, & exultam esse politius, & majori artificio amplificatam. *Antonius.* Quorsum ista, Alexander? *Alexander.* Quia ita hanc turbam dolorum hominum omni genere laudum exornasti, ut multos in opinionem possis inducere, neminem esse hujus ætatis cum his viris conferendum. *Ant.* Peracute tu quidem, Alexander, hanc comparationem ex me conaris elicere; quam in commodiorem diem differamus. Nam & ego libentissime in eo sermone versabor; in quo gloriari nobis liceat, id esse nuper ab ingeniis nostrorum hominum, vel inventum, vel illustratum, quod mille jam prope annos ignoratum sit. Quare illorum memoriam, quod eloquentiam ex barbarorum vinculis exemerint, quantum possumus augeamus. Hos autem, qui hæc ipsa studia ab illis accepta locupletarunt, tota mente intueamur, ut eorum nutrimentis educati, majora aliquando consequi possimus. Sed nunc quidem surgendum arbitror, & in Oppidum redeundum, ne qua interim e lacu tempestas exoriatur. *Paulus.* Sic prorsus faciendum censeo, nisi quid secus Alexandro videtur. *Alexander.* Ego vero, etsi de his, qui vivunt, aliquid libenter audirem, tamen quoniam tu, Antoni, hanc commemorationem in commodiorem diem distulisti, non pugnabo tecum, sed exspectabo quæ polliceris. Nunc in Oppidum revertamur.

F I N I S.







IN
X